


羅義章

李延平

朱文公

伊洛淵源





伊洛淵源續錄前序



昔晦菴先生嘗示周程張子之書緒正表章以示當
世既又慮夫世之學者徒得其言而不得其所以言
乃復取其平生出處履歷之詳以及其師友之所授
受者粹而錄之曰伊洛淵源錄以見聖賢之所謂學
者皆言行一致體用一源而理之未始不該於事事
之未始不根於理也於乎微哉先生既沒其遺言緒
論散見六經四子者固已家傳而人誦矣獨其授受
源委與夫出處履歷之詳窮鄉下邑之士或所未究
則無以盡見其全體大用之學鐸偕不自量於是竊
取先生之意具錄勉齋所撰行狀與其師友之間凡

有預聞於斯道者定為續錄六卷以見先生繼往開
來之功於是為大而足錄之不可以不續也嗟夫自
鄒孟氏沒而聖人之學不傳其過於高遠者不屬於
虛無則淪於寂滅其安於淺陋者不滯於詞章則狃
於功利二者雖有過與不及之不同而其為吾道之
害則一也何非伊洛諸老先生相繼迭起於千數百
年之下得不傳之學於遺經以興起斯文為已任則
吾道之害將何時而已耶然自是以來猶有竊吾道
之名以用於夷狄之世借儒者之言以蓋其佛老之
真其得罪於聖門甚矣亢為孔子之徒者皆將鳴鼓
而攻之不暇顧復偃然求以自附於伊洛之淵源何

哉豹窺貂續極知僭妄特高山景行之思在平塗所
不敢後者姑錄其槩而摭其說如此後之君子脫有
取焉其亦明道術扶世教之一助也哉

成化庚子春正月吉日黃巖謝鐸謹識于長安西館

昔宋太史公景濂有言自晦菴文公紹伊洛之正緒號
為世適益行而彰傳道而授業者幾遍大江之南而台
與濂為特盛濂之學實始於何文定公基基得之黃文
肅公幹幹則親得於文公者也文定一傳而為王文憲
公柏再傳而為金仁山履祥又再傳而為許白雲謙台
之學實始於南康石公子重子重介南湖杜公曄與其
季方山公知仁以及訥齋趙公幾道皆親登文公之門
由是二杜公一傳而為丞相清獻公龜再傳而為玉峯
車公若水玉峯則又締交於文憲三公而壽雲黃公超
然則又往來師友於其間者也太史公又謂方公克勤
之在吾台其殆聞而知之者然則希直公之親得於父

子問者亦可知夫今是錄於發止列何王二公於台亦不敢輒列清獻王峯諸公者竊亦自附於多聞之缺而慎言之耳是錄之成蓋久惟藏之巾笥時備檢閱以致吾景仰之私而已竇未嘗敢妄出以視諸人人也今年春吾文廣信太守王君良玉書來讓予以尊鄉錄之刊若獨有私於王興化存敬者乃不得已謹取而應之良玉篤好古學公其所守正驚湖之地是錄之出安知其無如昔賢之辭者良玉其尚有以處之哉

伊洛淵源續錄目錄

卷之一

豫章羅先生

卷之二

延平李先生

附劉屏山 劉白水 宋章翁 出各臣錄
文靖公 一云病公翁

卷之三

文公先生

太師 徽國文公

卷之四

南軒張先生

附魏良翁 劉靜春 陸復翁
直閣 寺傳 府教

東萊呂先生

附陸象山 監丞文安公
直閣成公

卷之五

蔡文節公子沉附

父西山先生
子九峯先生

黃文肅公

附錄陳同甫
黃判龍川先生
勉翁先生

李文定公

張寶章

陳北溪

李泉齋

黃提刑

廖吏部

葉秘書

石南康

輔慶源

杜南湖杜方山

趙訥齋

卷之六

真文忠公

何文定公

王文憲公

伊洛淵源續錄卷第一

豫章羅先生

事實畧

先生諱從彥字仲素劔浦之羅源人曾祖文弼祖世南父神繼皆隱身不仕先生自幼穎悟不為言語文字之學及長堅苦刻厲篤志求道初從吳國華游已而聞龜山先生得伊洛之學遂往學焉迺知舊日之學非也三日驚汗浹背曰幾枉過了一生龜山倡道東南從游者千餘人然語其潛思力行任重詣極如先生一人而已嘗講易至乾九四一爻龜山云曩聞伊川先生說得甚好先生遂粥田裹糧至洛見伊川所聞亦不外龜山之

說於是歸而盡心以事龜山。摠衣侍席二十餘載，盡得不傳之秘。先生清介絕俗，雖里人鮮克知之。郡人李愿中新安朱喬年聞先生得伊洛之學，遂執子弟禮從之。游先生終日相對靜坐，只說文字，未嘗一及雜語。愿中退居室中，亦只靜坐。先生令靜中看喜怒哀樂未發時，作何氣象。相以爲累年受春秋中庸語孟之說，從容潛玩，有會于心，遂盡得其所傳之奧。先生少然可至，稱許焉。先生山居有顏樂齋，寄傲軒，邀月亭，獨深龕，白雲亭，濯纓亭。每賦詩以自樂。所著遺堯錄，歷言我宋一祖開基三宗紹述，若舜禹遵堯，胡守一，道洽熙寧間，王安石用事，管心執法，卒稔夷狄之禍，未嘗不爲之痛心疾首也。

又有春秋解毛詩解中庸說論孟解議論要語台衡錄
春秋指歸晚就特科授惠州博羅縣主簿卒於官享年
六十有四子敦敦早卒無嗣

見豫章文集附錄

議論要語

大條

先生嘗曰祖宗法度不可廢德澤不可恃廢法度則變
亂之事起恃德澤則驕佚之心生自古德澤最厚莫若
堯舜何使子孫可恃則堯舜必傳其子至於法度則莫
如周家之最明何使子孫世守則歷年至今猶存可也
又曰君子在朝則天下必治蓋君子進則常有亂世之
言使人主多憂而善心生故治小人在朝天下必亂蓋
小人進則常有治世之言使人主多樂而怠心生故亂

又曰天下之亂不起於四方而起於朝廷譬如人之傷
氣則寒暑易侵木之傷心則風雨易折故內有林甫之
姦則外必有禄山之亂內有盧杞之姦則外必有朱泚
之叛

見宋史
道學傳

又曰朝廷大奸不可容朋友小過不可不容若容大奸
必亂天下不容小過則無全人

見豫章文
集附錄

又曰周孔之心使人明道學者果能明道則周孔之心
深自得之三代之才得周孔之心而明道者多故視生
死去就如寒暑晝夜之移而忠義行之者易漢唐以經
術古文相尚而失周孔之心故經術有董生公孫弘倡
之古文有韓愈柳宗元啓之於是明道者寡故視生死

去就如萬鍾九鼎之重而忠義行之者難於乎學者所
見自漢唐喪矣又曰士之立朝要以正直忠厚為本正
直則朝廷無過失忠厚則天下無怨嗟一於正直而不
忠厚則漸入於刻一於忠厚而不正直則流於懦親
史道傳

遺事

政和初龜山先生為蕭山令先生徒步往學龜山熟察
之喜曰惟從政可與言道於是日益以親遂語以心傳
之秘龜山弟子千餘人無及先生者見年譜又

陳幾復跋先生語孟師說曰予與仲素定交幾四十年
憶初從龜山龜山以孟子飢者甘食渴者甘飲與夫人

能無以飢渴之害為心害則不及人不為憂矣今仲素
思索且云此語若易知易行而有無窮之理仲素思之
累日疏其義以呈龜山曰飲食必有正味飢渴害之則
不得正味而甘之猶學者必有正道不悅於小道而適
正焉則堯舜人皆可為矣何不及之有哉龜山云此說
甚善但更於心害上一著猛省留意則可以入道矣仲
素一生眼簾此語凡世之所嗜好一切禁止故學問日
新尤不可及自非龜山抽關啟鑰而仲素於言下省悟
何以臻此使仲素而不死則其精進此道又豈予之所
能知哉今日李君愿中以其遺書質予其格言要論自
為一家之書閱其學益進誦其言益可喜信乎自心害

而去之也。自仲素之亡傳此書者，絕以非愿。中有志於
吾道，其能用心如此之專乎？既錄一本以備玩味，今錄
其書併以仲素之所受於龜山者語之，以俟異日觀其
學之進，則此語不無助焉。見豫章文

延平先生以書謁先生，其畧曰：「伺聞之天下有三本焉：父
生之師教之君治之，缺一則本不立。古之聖賢莫不有師，其肄業之勤，情欲道之幾，深求益之先後，若存若亡，其詳不可得而考。惟洙泗之間，七十二弟子之徒，議論問答具在方冊，有足稽焉。是得夫子而益明也。孟氏之後，道失其傳，枝分派別，自立門戶，天下真儒不復見於世，其聚徒成羣，所以相傳授者，句讀之義而已。謂

之熄焉可也恭惟先生服膺龜山之講席有年矣况嘗
及伊川先生之門得不傳之道於千五百年之後性明
而脩行完而繫墻之以廣大体之以仁恕精深微妙各
極其至漢唐諸儒無近似者至於不言而飲人以和與
人並立而使人化如春風發物蓋亦莫知其所以然也
凡讀聖賢之書粗有識見者孰不願得授經門下以質
所疑至於異論之人固當置而勿論也侗之愚鄙徒以
習舉子業不得服役於門下而今日拳拳欲求教者以
謂所求有大於利祿也抑侗聞之道可以治心猶食之
充飢衣之禦寒也人有迫於飢寒者皇皇焉為衣食之
謀造次顛沛未始忌也至於心之不治有後世不知慮

豈愛心不若口体哉。而思甚矣。何不量貧賤之陋妄意
於此。雖知真儒有作。聞風而起。固不若先生親炙之得
於動靜語默之間。目擊而心會也。今生二十有四歲。光
乎未有所止。燭理未明。而是非無以辨。宅心不廣。而喜
怒易以搖。操履不完。而悔吝多。精神不充。而智巧襲。揀
焉而不爭。守焉而不敷。朝夕恐懼。不啻如飢寒切身者。
求充飢禦寒之具也。不然。安敢以不肖之身為先生累。

哉

見宋史道學傳及
豫章文集附錄

龜山語先生云。今之學者。只為不知為學之方。又不知
學成要何用。此事物大須是曾看方來。方知不易。夫學
者。學聖賢之所為也。欲為聖賢之所為。須是聞聖賢所

得之道者只要博古通今為文章作忠信忍慤不為非
義之士而已則古來如此等人不少然以為聞道則不
可且如東漢之裴慶士逸人與夫名節之士有聞當世
者多矣觀其作慶責之以古聖賢之道則畧無毫髮疑
疑相似何也以彼於道初無所聞故也今時學者平居
則曰吾當為古人之所為纔有事到手便措置不得蓋
其所學以博古通今為文章或志於忠信忍慤不為非
義而已而不知須是聞道故應如此由是觀之學而不
聞道猶不學也又嘗語先生云時嘗有數句教學者讀
書之法去以身体之以心驗之從容默會於幽閑靜一
之中超然自得於書言象意之表此蓋某所為者如此

見豫章文
集附錄

晦翁問延平云祭如在祭神如神在蓋疑此二句乃身
子記孔子事又記孔子之言於下以發明之曰吾不與
祭如不祭也李先生應之曰侗嘗聞羅先生曰祭如在
及見之者祭神如神在不及見之者以至誠之意與鬼
神交庶幾享之若誠心不至於禮有失焉則神不享矣
雖祭何為

延平答晦翁書云侗自少時從羅先生學問彼時余不
涉世故未有所入聞先生之言便能用心靜處尋求又
曰昔聞之羅先生云橫渠教人令且留意神化二字所
存者神便能所過者化私吝盡無即渾是道理即所過

自然化矣

李先生云舜之所以能使瞽瞍底豫者盡事親之道共
為子職不見父母之非而已昔羅先生語此云只為天
下無不是的父母了翁聞而善之曰唯如此而後天下
之為父子者受役臣弑其君子弑其父者嘗始於見其
有不是處耳

李先生云侗昔於羅先生得入處後無朋友幾放倒了
晦翁云羅仲素先生都是著實仔細去理會又云羅先
生嚴毅清苦殊可畏又曰羅公清介絕俗雖里人鮮克
知之

晦翁問人問李先生靜坐之說聞先生不以為然如何

所謂靜坐只是打疊心下
無事則道理始出道理先
出心下愈明靜矣居後集

曰此亦雖說靜坐理會道理自不妨只是討要靜坐則
不可若理會得道理明透自然是靜嘗見李先生說舊
見羅先生說春秋頗覺未甚愜意不知到羅浮極靜後
義理會得如何某心嘗疑之以今觀之是如此蓋心下
熱鬧如何看得道理出見豫章文集

羅先生教學者靜坐中看喜怒哀樂未發時作何氣象
李先生以為此意不惟於進學有方氣亦是養心之要

見朱子語類

馮夢得序先生遺藁有曰豫章羅先生潛思力行任重
詣極上接伊川龜山之傳下授延平晦菴之學東南學
者未能或之先也黃大任跋其後曰瀛洛接洙泗之正

傳蓋漢唐數百年之所未有考亭集濬洛之大成所傳聞者龜山所聞者豫章所見者近平

太常博士陳協謚議其畧曰羅公從彥當徽廟時居鄉授徒守道尤篤而同郡李公侗傳其學厥後朱文公熹又得李公之傳其道遂彰明於世學者仰之如泰山北斗者其端皆自公發之謹按謚法追德博厚曰文言行相應曰質公師友淵源洞明天理可謂道德博厚矣清人絕俗著書有聞可謂言行相應矣請謚為文質尚書考功員外郎周坦復議曰羅公從彥不求聞達於世育次抱負不以察見獨得其大者所謂道德問學之淵源上承伊洛之正派下開中興以後諸儒之授受昭然不

可泯也奉常謚曰文質於法為宜淳祐七年五月二十

四日奉旨依見豫章文

語類楊龜夫言程先生教學者靜主中者立定之志未嘗動之中未嘗作之象未嘗
未嘗曰此說終是偏病通理自有動時自有靜時冬者主氣教以直內義以方外見
得世間之理不氣通理往至微十夫亦有通理便以通理夾之不可專要去靜求求
所以伊川以用敬不用靜便說以手也之此理應多故見以信地正而不偏

伊洛淵源續錄卷第二

延平李先生

元祐先生

行狀

文公先生

劉子翬

名臣錄

病翁先生

字彥冲忠顯公之次子以

勲補承務郎辟真定布

府忠顯義執喪過禮服

除俸恤軍秩滿以量

聞詔還舊官先生始以

哀毀致疾自以不堪吏

遂丐祠主管武夷冲佑祠

以故十有年四為崇道

觀祠官累階右承議郎

享年四十七紹興十七年

十二月終

以負奇才未冠遊太學

出等夷世蒙屏山下

先生諱侗字愿中姓李氏南劍州劍浦人曾祖諱幹宅田郎中致仕贈金紫光祿大夫妣清源郡太夫人朱氏祖諱纁朝散大夫贈中奉大夫妣永嘉郡太君胡氏咸寧郡太君朱氏父諱渙朝奉郎贈右朝議大夫妣太恭人饒氏先生朝議公之季子也生有異稟幼而穎悟少長孝友謹篤朝議公太恭人特所鍾愛既冠游鄉校有聲稱已而聞郡人羅仲素先生得伊洛之學於龜山楊文靖公之門遂往學焉羅公清介絕俗雖里人鮮克知

溪之上有園林水石之勝即得祠祔於是俯仰其間盡弄人間事自号病翁独居一室危坐或竟日夜嗒然無一言意有所得則筆之於書或詠歌以自適間數日輒一主忠顯全下瞻望徘徊涕泗嗚咽或累日而後反况泉之間怡一如也

忠肅公先生之猶子也幼聞爽嗜學先生奇之教以文行經業不少懈及使務其速者大者与胡原仲劉致中為道義友相見講學外無一雜言与他所游皆海内名士靡不歎服深遠自以爲不及而先生之心未嘗

之見先生從游受業或頗非笑先生若不聞從之累年受春秋中庸語孟之說從容潛玩有會於心盡得其所傳之奧羅公少然可亟稱許焉於是退而屏居山田結茅水竹之間謝絕世故餘四十年筆硯憂生怡然自適中間郡將學官聞其名而招欽之或遣子弟從遊受學州郡士子有以矜式焉晚以二子舉進士試吏旁郡更請迎養先生不得已為一行自建安如鉛山訪外家兄弟於昭武過其門弟子故人迎於武夷潭溪之上徜徉而歸會閩帥玉山汪公以書禮車來來迎蓋將相與講所疑焉先生因徃見之至之日疾作遂卒于府治之館舍是年七十有一矣隆興元年十月丁有五日也汪公

小自足雖聞常人有片言
之善無不從容咨扣及竭
兩端而後已至族黨後生
末問各者隨其哭戲告
語成就終日無倦色
晦庵一日請問先生平昔入
道次第先生欣然曰吾未
聞道官莆田時以疾病始
接佛老之道聞其所謂清
淨寂滅者而心悅之以為
道在是矣比故讀吾古
而有契然後知吾道之
大其体用之全乃如此抑
吾於易得入道之門所謂
不遠復者吾三字得也
佩服周旋同敢失墜於
是作復翁銘聖賢傳論
以見志世尚勉哉
先生始得微疾即入謁

為遣參議官王君伯序觀察推官謝公俊護喪事躬視
棺歛禮意喪具無不周悉居數日諸子畢至遂以喪歸
先生娶同郡吳氏子男三人友直左脩職即信州鉛山
縣尉信甫左脩職即建寧府建安縣主簿友聞未仕女
一人蚤亡孫男四人女八人皆幼初龜山先生倡道東
南士之遊其門者甚眾然語其潛思力行任重詣極如
羅公蓋一人而已先生既從之學講誦之餘危坐終日
以驗夫喜怒哀樂未發之前氣象為如何而求所謂中
者若是者蓋久之而知天下之大本真有在乎是也蓋
天下之理無不由是而出既得其本則允出於此者雖
品節萬殊曲折萬變莫不該攝洞貫以次融釋而各有

江別母夫人前編書告
訣素所注來者召姪珙
付家事指授必手各者
論修身求道之要作訓
誠也百言彈琴賦詩陪
然如平日居兩日而後
孝尤惻於易有二箇東
以復名而以蒙名蒙翁記
曰三代而下易今度矣六
國之士為談說以蒙兩美
之士為章句以蒙晉魏之
士為虛無隋唐之士為碑
僅以蒙皆處偏僻而不反
如波濤以反以自憚如各
騰霧反以自矜初不知
其然者常有也今吾
與三子既知之矣可不
誡乎甫以奉其聖耶
跋浩然子序曰各易者

條理如川流脈絡之不可亂大而天地之所以高厚細
而品彙之所以化育以至於經訓之微言日用之小物
折之於此無一不得其衷焉由是操存益固涵養益熟
精明純一觸處洞然泛應曲酬發必中節故其事親誠
孝左右無違仲兄性剛多忤先生事之致誠盡敬更得
其懽心焉閨門內外夷愉肅穆若無人聲而眾事自理
與族姪舊故恩意篤厚久而不忘生事素薄然處之有
道量入為出賓祭謹飭租賦必為隣里先親戚或貧不
能婚嫁為之經理節衣食以賑助之與鄉人處飲食言
笑終日油油如也年長者事之盡禮少者賤者接之各
盡其道以故鄉人愛敬暴悍化服其接後學答問窮盡

及有門戶復卦易之門戶也
入室者當自戶始今易者
當自復始是知復之以義力
聞道之要言進修之捷徑各
者誠之真積力求將有捷
裂洋渙沛然流出於肯綮
間所謂易者是自知之矣
推維民論曰民心無常去就
無定自古及今天下之民及
有以屬焉奔之民禹維之桀
解其維而夏之商之民文武
維之幽厲解其維而周止
自秦漢以來治亂無定循環
不已也我宋統緒皆以寬
厚為治至於仁宗之仁也
三代而下一人而已矣言成
恩吸嗟焉澤薰酣沉浸
中餘年所以維民者盡
矣

夜不倦隨人淺深誘之各不同而要以反身自得而可
以入於聖賢之域故其言曰學問之道不在多言但嘿
坐澄心體認天理若見雖一毫私欲之發亦退聽矣以
久用力於此庶幾漸明講學始有力耳又嘗曰學者之
病在於未有洒然冰解凍釋處縱有力持守不過苟免
顯然悔尤而已若此者恐未足道也又嘗曰今人之學
與古人異如孔門諸子羣居終日交相切磋磨又得夫子
為之依歸日用之間觀感而化者多矣恐於融釋而脫
落處非言說所及也不然子貢何以言夫子之言性與
天道不可得而聞也耶嘗以黃太史之稱濂溪周夫子
胸中洒落如光風霽月云者為善形容有道者氣象嘗

講經制之道曰國富而節

人有拂心固窮而節人有怨心今主計之官無出入之制隨田就食不量民力焉兵以衛民食於民官以活民食于民苟出不防戒居不司事而食可也郡縣已併旋復員缺可減復增或慮裁抑之行必將恣怨殊不思費用之廣浩於丘山非天降而地溢也一取於民耳此經制之道有未盡也

聖傳論曰吾觀古聖人進德之速未有如湯者湯之盤銘曰苟日新又日新日之新夫豈有瞬息之義哉度年善如貪契理如函聞非如獲利捨過如遺枕也日新

諷誦之而顧謂學者曰存此於胸中庶幾遇事廓然而義理少進矣其語中庸曰聖門之傳是書其所以開悟後學無遺策矣然所謂喜怒哀樂未發謂之中者又一篇之指要也若徒記誦而已則亦奚以為哉必也體之於身實見是理若顏子之嘆卓然見其為一物而不違乎心目之間也然後擴充而往無所不通則庶乎其可以言中庸矣其語春秋曰春秋一事各是發明一例如觀山水徒步而形勢不同不可拘以一法然所以難言者蓋以常人之心推測聖人未到聖人洒然處豈能無失耶其於語孟他經無不貫通苟有疑問答之必極其趣然語之而不惰者或寡矣又嘗曰讀書者知其所言

也日新之學非踐履
實不自免如彼謂聖
道一言可契非由階級
不假修為以日就月將
焉初學以真積力求為
缺才是自誣也

聞箏詩

月高夜鳴箏 隨風更迢遞
群從綺窓未 華露暫能傾
餘音若可玩 不見鳴箏人
繁絃互相催 遲知心以依
序悲且罷弄 金情奮不背
豈念心期盡 寄曲宣餘不
一彈飛霜寒 每恨听音稀
再撫流光頽 銀甲生浮埃
幽之孤鳳吟 感耳嗟不偶
众鳥群難諧 况乃客華衰
道同符片語 栖牆東客
志盡勞事媒 亦抱凌雲才

莫非吾事而即吾身以求之則孔聖賢所至而吾所未
至者皆可勉而進矣若直以文字求之悅其詞義以資
誦說其不為玩物喪志者幾希以故未嘗講解文書然
其辨析精微毫釐畢察嘗語問者曰講學功在深潛縝
密然後氣味深長踐徑不差若槩以理一而不察乎其
分之殊此學者所以流於疑似亂真之說而不自知也
其開端示人大要類此先生資稟勁特氣節豪邁而充
養完粹無復圭角精純之氣達於面目色溫言厲神定
氣和語默動靜端詳閑泰自然之中若有成法平居恂
恂於事若無甚可否及其酬酢事變斷以義理則有截
然不可犯者早歲聞道即棄場屋超然遠引若無意於

朱子跋曰此詩規模意態
全是李文選乐府不雜
近世雜体故其氣韵高古
而音節和暢時章又及
語類曰或向屏山^{朱子}問他
本意釋今但只氣韻勝出未
說許多語

當世然憂時論事感激動人其語治道必以明天理正
人心崇節義屬廉耻為先本末備具可舉而行非特空
言而已異端之學無所入於其心然一聞其說則知其
說謠邪道之所以然者蓋辨之於錙銖眇忽之間而儒
釋之邪正分矣熹先君子吏部府君亦從羅公問學與
先生為同門友雅敬重焉嘗與沙縣鄧迪天啓語及先
生鄭曰愿中如水壺秋月瑩徹無瑕非吾曹所及先君
子深以為知言亟稱道之其後熹獲從先生遊每一去
而復來則所聞必益超絕蓋其上達不已日新如此嗚
呼若先生之道德純備學術通明求之當世殆絕倫比
然不求知於世而亦未嘗輕以語人故上之人既賞之

劉勉之

名臣錄
白水先生
元祐先生

字致中建之崇安人鄉貢
諸太學故過南京見劉
忠定賜文靖授業後
以中書薦詔詣闕未
及召見給札後有謝
病故紹興十九年二月
卒年五十九
自幼強學日誦千言耳
目所接一過不忘為文
肆筆而成滂沛闕闕
凌厲頓挫脩葦少能
及之
綸冠入太學第高第
禁元祐書居心独知
其非是陰訪伊洛
程氏之傳得其書而
歲去深夜同舍生點

知而學者亦莫之識是以進不獲施之於時退未及傳
之於後而先生方且玩其所安樂者於猷猷之中悠然
不知老之將至蓋所謂依乎中庸邈世不見知而不悔
者先生庶幾焉比年以來學者始益親而方伯連帥之
賢者又樂聞其道而邀致之其意豈徒然哉不幸天喪
斯文而先生歿矣龜山之所聞於程夫子而授之羅公
者至是而不得其傳矣嗚呼痛哉諸孤方謀窵窵之事
謂熹承學之久宜知先生之蘊使具其事以請銘於作
者將勒諸幽堂以告後世知德者有以考焉熹愚不肖
蒙被教育不為不父聽其言觀其行而服膺焉不為不
詳然未能有以得其遠者大者故悉取凡聞見所及一

寐乃始擇篋解廢下
帷然膏借抄而熟讀
之固譙公天授晉臣
程子遊燕寧易各
適以事至京師即生
叩之盡得其各之本
末取而遂厥科系之
業一日并銓牒指諸
生故
見劉元城楊龜山皆請
業劉尤奇其才留諸
數十日告以平生行已
之節大節以至方外之
各他人所不及聞者
無不傾尽
與胡原仲劉彥冲
兩先生友善日以講
論切磋為事其於
當世之務若不屑焉

二書之詞若繁而不敢殺者蓋有待於筆削云爾然狀
文公與先生書

熹拜違侍右倏忽月餘頃嘗附兩書於建寧竊計已獲
關聽矣熹十八日離膝下道路留滯二十四日到鉛山
館於六十兄官舍路中幸無大病今日戴君來診脈其
言極有理許示藥方矣云無他病只是稟受氣弱失汗
多心血少氣不升降上下各為一人其他曲折皆非俗
醫所及頃在建陽惟見大湖一親戚語近此耳至於心
意隱微亦頗得之信乎其不可揜也熹向蒙指喻二說
其一已叙次成文惟義理之說見得未分明說得不快
今且以泛論時事者代之大畧如前書中之意到闕萬

而論說區區鉅細顯微

皆有条理

亂後故山室戶荒塲乃

即建陽近郊結草堂

謗云其中力耕稼以自

給淡若無求於世而

一時吳士大夫莫不往

心高仰之

中書舍人呂公居仁嘗以

小詩問訊有老大多材

十年坐坐之句世以爲

實錄時國家南渡幾

十年未有一安之計方

且寤寐俊傑与益重

功呂公与同列曾公

天游亦列其行以聞

詔諸閭得行屏山先

生作招飭以祝之其

凡曰宝劔未奉君王

一得對舉即錄呈也但義利之說乃儒者第一義平時

豈不講論及此今欲措辭斷事而茫然不知所以爲說

無乃此身自坐在裏許而不之察乎此深可懼者此間

亦未有便姑留此幅書以俟附行若蒙賜教只以附建

寧陳丈處可也天氣未寒更乞爲道保重以慰瞻仰九

月二十六日拜狀不備

祭文

道喪千載兩程勅興有的其緒龜山是承龜山之南道

則與俱有覺其徒望門以趨惟時豫章傳得其宗一簞

一瓢凜然高風猗歟先生早自得師身世兩忘唯道是

資精義造約窮深極微凍解冰釋發於天機乾端坤倪

撫夷定八荒時年
時無淫歲其所望於

先生如此

秦檜專國柄公知

道不行即日謝病故

杜門高臥十餘年

造養益熟故相趙

忠簡出鎮南州道

出里門行轡入謁

坐語移日彌加款

重

先生本為已而才

周世用臨事財必不

動群忌平居口敬自

持若不可犯而接

物之際恂恂和悅也

笑可親其臨財廉

一介不妄取又時婦

家富而無子謀盡

以資產故其代既

鬼執神彰風霆之變日月之光爰暨山川草木昆蟲人

倫之正王道之中一以貫之其外無餘縷析毫差其分

則殊體用混圓隱顯昭融萬變並酬浮雲太空仁孝友

弟洒落誠明清通和樂展也大成婆娑丘休世莫我知

優哉游哉卒歲以嬉迨其享年德盛道尊有來樞衣發

其蔽昏侯伯聞風擁篲以迎大本大經是度是程稅駕

云初講議有端疾病乘之醫案枝殫嗚呼先生而止於

斯命之不融誰實尸之合散屈伸消息滿虛廓然太公

與化為徒古今一息曷計短長物我一身孰為窮通嗟

惟聖學不絕如綫先生得之既厚以全進未獲施退未

及傳殉身以歿孰云非天烹也小生卅角趨拜恭惟先

謝不取又擇其宗
屬之吳者采而昇
之使奉先祀

朱松

名臣錄
韋倫先生

字喬年徽之婺源人政
和八年同上舍出身授
建州政和尉丁外艱服
除調南劍州尤溪尉監
泉州石井鎮紹興四年
召試館職除正字丁內
艱服闋召對改左宣
教郎秘書省校書郎
遷著作佐郎尚書度
支員外郎兼史館校
勘歷司勳吏部兩

君實共源沁閭閻侃侃斂衽推先冰壺秋月謂公則然
施及後人敢渝斯志從遊十年誘掖諄至春山朝榮秋
堂夜空即事即理無幽不窮相期日深見勵彌切蹇步
方休鞭繩已掣安車暑行過我衡門返旆相遭涼秋已
分熹於此時適有命召問所耳言反覆教詔最後有言
吾子勉之允茲衆理子所自知奉以周旋幸不失墜歸
裝朝嚴計音夕至失聲長號淚落懸泉何意斯亡而訣
終天病不舉扶浚不飯舍奔赴後人死有餘憾儀刑永
隔卒業無期墜緒茫茫孰知我悲伏哭柩前奉奠以誓
不止者存鑒此誠意

遺事

曹萬史如故修哲宗
宰銓去成轉奉詔
年勞轉承詔出知饒州
未上請間得主管台州
崇道觀滿秩再請命
下而卒紹興十三年三月
二十四日也贈官通議
大夫

公生有俊才兒童時出
語已驚人長遊學校為
朱子文傳新海為三
時卑弱陳有言及去場
屋始放言為文不事
雕飾而天於秀異格力
閑暇超然有出塵之態
遠近傳誦為文汪洋故肆
不見涯涘如川之方至而
奔騰感踏渾浩流轉
頃刻萬變不可名狀人
少能及

楊驤問先生言行文公先生曰他却不曾著書克養得
極好凡為學也不過是恁地涵養將去初無異義只是
先生粹面盎背自然不可及

見朱子語類

文公先生曰李先生終日危坐而神彩精明畧無墮墮
之氣又曰先生氣象好又曰先生初間也是豪邁底人
到後來也是琢磨之功又曰先生少年豪勇夜醉馳馬
數里而歸後來養成徐緩雖行二三里路常委蛇緩步
如從容室中也又曰先生只是潛養思索他涵養自是
別真所謂不為事物所勝者古人云終日無疾言遽色
他真箇是如此尋常人去近處必徐行出遠處行必稍
急先生出近處也如此出遠處亦只如此尋常人叫

一日復憤折肱取大任
諸史百代出伏而護之
以求天下國家與之理
亂之變與夫一時以應
時合變先後本末之序
期於有以發為治設措
之事業如賈長叔陸
公之為者聞龜山以詩
何洛之答於是蓋自刻
斤痛刮浮華以趨本實
日誦大卷中庸之玄以用
力於致知誠意之地
自謂辨急害道取古
人佩章之意以名各處
夜其間以自警飭曰
士之以志其分在義理
之間修其德其微而其
德甚遠
又謂父子主恩君臣主
義是為天下之大戒无

人斗之一二聲不至則聲必厲先生斗之不至聲不加
於前也又如坐處壁間有字某每常亦湏迴頭一看若
先生則不然方其坐時固不看也若是欲看則必起就
壁下視之其不為事物所勝大率若此又曰先生居處
有常不作費力事所居狹隘屋宇卑小及子弟漸長逐
間接起又接起廳屋亦有小書室然甚整齊瀟灑安物
皆有常處其制行不異於人亦常為任希純教授延八
學作職事居常無甚異同類如也真得龜山門法又曰
先生說一步是一步如說仁者其言也訥其當時為之
語云聖人如天覆萬物先生曰不要如是廣說湏窮其
言也訥前頭如何要得一進步處又曰李先生不要人

所逃於天地之間如人
見食於元氣之中一息
之不屬理又至於
是以自苦聖矣立法垂
訓所以維持防範於其
間者未嘗一日而忘
省病士溺於俗學而
不明君臣之大義是以
必成敗之間常有苟生
自恕之心而關於舍生取
義之節使三綱淪墜而
有國家者无所恃以爲
安又言宜鑑既往之失以
明人倫明節爲先務
而又博求脾胃骨髓沈
正不回之士宜三朝廷使
之平居无事正色立朝
則奸萌逆節銷伏於真
之中一朝有急則奮
不顧身以抗大難亦之以

強行須有見得處方行所謂洒然處然猶有偏在洒落
而行固好未到洒落處不成不行亦須按本行之待其
著察又曰先生好看論語自明而已謂孟子早是說得
好了使人愛看了也其居在山間亦殊無文字看讀辨
正更愛看春秋左氏初學於仲素只看經後侯師聖來
沙縣羅邀之至問伊川如何看云亦看左氏要見曲折
故始看左氏又曰先生有為只用蠱卦又曰先生嘗云
人之念慮若是於顯然過惡萌動此却易見易除却怕
於匹似閑底事爆起來纏繞思念將去不能除此尤害
事熹向來亦是如此

見性理大全
朱子語類

葉賀孫問文公先生所作李先生行狀云終日危坐以

禦危辱凌暴之侮則
庶幾神光尊安而基
祚強固矣

虜使致和公于同舍
胡瑄語曰虜之和即秦
之衛人六國不悟衛人割
地之無厭食以上其國全
國家不悟虜使請和之
得策其禍亦豈可勝言哉
而執事者方以焉吾而
梓宮母后淵聖天屬之
故昔頃羽置太公祖上
而約萬祖以佈矣高祖
不信其詐謀卒能虜劉
鴻溝之上使其力屈而
太公自飲此可以觀其
計之得失矣

驗夫喜怒哀樂之前氣象為何如而求所謂中者與伊

川之說若不相似文公曰這是舊日下得語太重今以

伊川之語格之則其下工夫處亦是有些子偏只是被

李先生靜得極了便自見得是有箇覺處不似別人今

終日危坐只是且收斂在此勝如奔馳若一向如此又

似坐禪入定

見朱子語類

陳淳問延平李先生何故驗於喜怒哀樂未發之前而

求所謂中文公曰只是要見氣象

見語類

廖德明論李先生之學常在目前文公曰只是君子戒

謹所不睹恐懼所不聞便自然常存顏子非禮勿視聽

言動正是如此

語類

文公先生嘗曰人若著些利害便不免開口告人却與不學之人何異向見李先生說若大段排遣不去只思古人所遭患難有大不可堪者持以自比則亦可以少安矣始者甚卑其說以為何至如此後來臨事却覺有得力處不可忽也又曰舊見李先生說少從師友幸有所聞中間無講習之助幾成廢墮然賴天之靈此箇道理時常在心目間未嘗敢忘此可見其持守之功矣然則所見安得而不精所養安得而不熟耶又曰某舊見李先生時說得無限道理也曾去學禪先生云汝恁懸空理會得許多面前事却又理會不得道亦無玄妙只在日用間著實做工夫處理會便自見得後來方曉得

他談故今日不至無理會爾

語類

文公先生嘗謂門人曰李先生云書不要點看得更好
又曰看聖賢言語但一綽看過便見道理者却是真意
思纔著心去看便差過了多又云天下事道理多如子
瞻才智高亦或窺得然其得處便有病也

語類

文公先生嘗曰大抵思索義理到紛亂窒塞處須是一
切掃去放教胸中空蕩蕩地了却舉起一看便自覺得
有下落處此說向見李先生曾說來今日方真實驗得
如此又曰李先生意只是要得學者靜中有箇主宰存
養處又曰李先生教人大抵令於靜中體認大本未發
時氣象分明即處事應物自然中節此乃龜山門下相

傳指訣見語類

續金卷二

陳幾叟答先生書有曰仲素晦迹求志人罕知者吾友獨能自拔流俗而師尊之其為識慮豈淺淺者所能窺測聖學無窮得其門者或寡况當與乎用是慶吾道之不孤而喜朋友之得人不獨今日也

見豫章文集

先生既閑居無意當世而傷時憂國論事感激動人嘗曰今日三綱不振義利不分三綱不振故人心邪僻不堪任用是致上下之氣間隔而中國日衰義利不分故自王安石用事陷溺人心至今不自知覺人趨利而不知義則主勢日孤人主當於此留意不然則是所謂雖有粟吾得而食諸也

伊洛淵源續錄卷第二

李延平初間也是豪邁底人到後來也是瑣屑之功在軒差延平答同不異於常人鄉曲已上底人只道他是善箇人也略不與人談待問了方半說延平答同

明道教人靜坐李先生亦教人靜坐着來須是靜坐始能收斂羅仲素却是着案子細去理會

熹初為各全立見成規模這也去理會熹討那也去理會熹討後來見李先生較說得下落更縝密

說教向伊川伊川云蘇季子云來中於主之思哀樂知已已為觀也平亦治勝之思哀樂未并之詞季子云又似與季子同未并曰但見其如此耳其亦有病差不以不通可原於空切程子之今引程子

朱子答呂士瞻云程先生云幽養於未并之前乃求中於未并之前乃不可改後功如不可移易李先生初日用功未知何如後季未敢輕改但今初只以程先生之法程先生陳建答鄭通判曰或曰豫章延平亦居於禪而因於陸子曰豫章季未及山延平季未及章休歇未并之說持者承以蓋云信乎師之之所見有似於禪了於非乃云於禪也即延平曰亦未嘗修度德出旁理之功也如陸季一臥乃以宗禪者而以佳云如橋柏注脚以法云旁理力逐外方障蔽也二古鳥以同了

伊洛淵源續錄第三

文公先生

行狀

一字元晦

晦菴先生

徽國文公

出名臣錄

字元晦間自稱曰仲晦世為徽人居紫陽山下父韋有宦時建之政和居焉五歲入小學誦孝經了大義書八字於其上曰若不如比便不成人又嘗指日向於吏部曰日何所付曰付於天又問天何付吏部奇之初冠字元晦屏山祝詞曰云云後以元為四德之首不敢當更曰仲後書桃符曰

先生姓朱氏諱熹字仲晦父朱氏為婺源著姓以儒名家世有偉人吏部公甫冠擢進士第入館尚書郎兼史事以不附和議去國文章行義為學者師號韋齋先生有文集行於世吏部公因仕入閩至先生始寓建之崇安五夫里今居建陽之考亭先生以建炎四年九月十五日午時生南劍尤溪之寓舍幼穎悟莊重能言韋齋指示曰此天也問曰天之上何物韋齋異之就傳授以孝經一閱封之題其上曰不若是非人也嘗從群兒戲

佩韋遺方訓誨不謹

師傳

父疾革以家事囑劉

子羽而訣於胡籍

劉白水劉屏山且俾

先生父事之既而

各於三君子屏山告

曰吾於易得入應門

所謂不遠復乃吾

知歸也白水後以

寫不數年二公後

事釋於頃久

紹興十七年十八中

建寧鄉里考官

茲曰吾取中後生

東省之為鄉建

查大事他日必非常

人

二十三年二十四始

李廷平初韋希雅

廷平故生事之

自見李廷平先生為

金卷三

沙上獨端坐以指畫沙視之八卦也少長厲志聖賢之

學於舉子業初不經意年十八貢于鄉中紹興十八年

進士第以左迪功郎主泉州同安簿蒞職勤敏纖悉必

親郡縣長吏事倚以決苟利於民雖勞無憚職無與事

選邑之秀民充弟子負訪求名士以為表率日與講說

聖賢脩己治人之道年方踰冠聞其風者已知學之有

師而尊慕之歷四考能歸以奉親講學為急二十八年

請奉祠監潭州南岳廟明年詔赴行在言路有托抑奔

競以沮之者遂以疾辭三十二年祠秩滿再請孝宗即

位復因其任會有詔求直言因上封事其畧言聖躬雖

未有闕失帝王之學不可以不熟講朝政雖未有闕遺

就平實正平与人
雁特文宗礼之曰元
明進孝其力亦善
畏義吾虎罕有晚
得此人商量所設甚
慰又云此人極難得
論難處皆掃戈入室
須從原頭體認未以
以好說話者於雁先
生得入處後無朋友
或放倒了得事也
甚有益自見雁先
生未未見有如此者
又云此子初講今時
頗為道理以傳今人
能辭釋於日用處一
言下工夫若於此漸
熟則休用舍矣
七月之同安有蓋
坐室更名高士軒
而今甲凡傳所書
為皆者大書揭之

而脩攘之計不可以不早定利害休戚雖不可偏以疏
舉然本原之地不可以不加之意陛下毓德之初親御
簡策不過諷誦文辭吟詠情性比年以來欲求大道之
要又頗留意於老子釋氏之書記誦詞藻非所以探源
源而出治道虛無寂滅非所以貫本末而立大中帝王
之學必先格物致知以極夫事物之變使義理所存纖
毫畢照則自然意誠心正而可以應天下之務況言今
日之計不過脩政事攘夷狄然計不時定者謹和之說
疑之也今虜於我有不共戴天之讐言則不可和也義理
明矣知義理之不可為而猶為之以有利而無害也以
臣策之所謂和者有百害而無一利何苦而必為之願

相聞取兼各事身

幸生生所以誠敬用

以義理皆諫而尊

師之紹無十八年賦

三十九年以陳康伯

薦呂力辭

隆興初特趨召俞遇

匪平問所宜言匪平

謂今日三綱不正義

利不分故中國之道

棄而夷狄盛人皆趨

利不顧義故主勢孤

先生論三綱之一時王

之望使庸未還陽思

退力主和近臣勇觀

龍大剛招權故奏及

之先生與魏良翁帖

之初護茅一奏論致

致格物之道天教溫

粹酬酢如響諫牙

二奏論復誓之義三

奏論則不復中聖語

矣

卷三

二

疇咨大臣摠攬群策鑒失之之由永應之之術斷以義
理之公參以利害之實開關絕約任賢使能立紀綱厲
風俗使吾脩政攘夷之外了然無一毫可恃為遷延中
已之資頃刻自安之意然後將相軍民無不曉然知陛
下之志更相激厲以圖事功數年之外志定氣壯國富
兵強視吾力之強弱觀彼讐之淺深徐起而圖之中原
故地不為吾有而將焉往次言四海利病係斯民之休
戚斯民休戚係守令之賢否監司者守令之綱朝廷者
監司之本欲斯民之得其所本原之地亦在朝廷而已
今之監司女奴贓狼藉肆虐以病民者莫非宰執臺諫之
親舊賓客其已失勢者既按見其交私之狀而斥去之

蘇道三年如湖南見南軒

、贈行詩曰

君侯起南服 頃登文石陛
豪氣蓋九州 忠言動宸旒
坐令祥利場 却未臥衡門
縮頭仍含羞 無愧白日休
尽收湖海意 不遠關山阻
仰希味幽游 為我拜月笛
遂徑得仙律 超然會太極
心事為惻惻 眼底無金牛
惟茲新金友 南山對床語
出處寄殊謀 匪為林壑迷
白雲政在望 朝來出別語
故袂凡隨之 已厄維索處
妙質資延鑄 毫厘有不察
精微更窮搜 休用豈周風
馳車万里途 勉哉共無教
中道可停輶 追美追前修

先生答曰

昔我抱冰炭 始知太極蘊
後君識乾坤 要妙難名論

尚在勢者豈無其人顧陛下無自知之耳明年改元隆
興後召辭不許即入對其一言大學之道在乎格物以
致其知蓋有是物必有是理然理無形而難知物有迹
而易觀故因是物以求之使是理瞭然於心目之間而
無毫髮之差則應乎事者自無毫髮之謬陛下雖有生
知之性高世之行而未嘗隨事以觀理故天下之事多
所未察未嘗即理以應事故天下之事多所未明是以
舉措之間動涉疑貳聽納之際未免蔽欺平治之效所
以未著由不講乎大學之道而溺心於淺近虛無之過
其二言君父之仇不與共戴天乃天之所覆地之所載
仇有君臣父子之性者設於至痛不能自已之同情而

謂有字有進惟應酬酌處
謂无復何存時達見本根
万化及此流暗於遠莫察
手聖同茲原惕若初不煩
云何各力微指之始之達
未獲物之會已被黃原吞
豈知一寸膽勉哉共死教
救此千丈潭此語期相敦

四年編程氏遺書各者始

有定後而程子之道復明
於世

是歲建飢先生請于府憲
粟散給民免飢死相倉
法始此

六年胡銓薦以母制辟
居母喪尽礼既葬日居

非專出於一己之私然則今日所當為者非戰無以復
仇非守無以制勝是皆天懼之同然非人欲之私念也
未言古先聖王制御夷狄之道其本不在乎威強而在
乎德業其任不在乎邊境而在乎朝廷其具不在乎兵
食而在乎紀綱今日諫諍之塗尚窪俟幸之勢方張爵
賞易致而威罰不行民力已殫而國用未節則德業未
可謂脩朝廷未可謂正紀綱未可謂立九古先聖王所
以強本折衝威制夷狄之道皆未可謂備三劄所諫不
出封事之意而加剴切焉先生以為制治之原莫急於
講學經世之務莫大於復仇至於德業成敗則決於君
子小人之用舍故於奏對復申言之蓋學有定規事有

全側旦望則故莫凡進偏
家礼後未暇更定云

七年五夫三里社倉始成岸

一飲散俾欲貸者出息什二

小歉則弛半息甚則全蠲

之

八年兩次詣孟精義成資

治綱目通鑑成綱放春秋

而蕪株群史之長目放左

氏而稽古諸文之粹西銘

解義成

九年太極經傳通書解成

偏次程氏外書成

淳熙二年東萊自東陽來

留止寒泉精舍旬月相与

撥周程張公閑大体而切

日用者尋次成十四篇号

近思錄先生号曰四子六經

之階梯也思錄中子之階梯

以言為學者當因之而入

也壽錢東萊至鵝湖二

定理而措之於言者如此除武學博士待次乾道改元

促就職既至以時相方主和議請監南嶽廟以歸三年

差充樞密院編脩官待次五年三促就職會魏掞之以

布衣召為國子錄因論會觀而去遂力辭先生嘗兩進

絕和議抑倭倖之戒言既不行雖擢用抑至不敢就出

處之義凜然有不可易者尋才內艱六年復召以未終

喪辭七年既免喪復召以祿不及養辭四年之間辭者

六九年有旨安貧守道廉退可嘉特改合入官主管台

州崇道觀先生以改秩昇祠皆進賢賞功優老報勤之

典今無故驟得之求退得進於義未安再辭淳熙元年

又再辭上意愈堅始拜命改宣教郎奉祠二年除秘書

陸劉子澄未會相與講其

所中二陸孰以見不合而玄

四年語孟集注或問成初

偏次語孟集義又約其

精粹妙得本旨者為集

註傳疏其所以去就之義

為或問然也各者轉而

趨謬故或問之玄未嘗出

以示人然辨析毫厘無

微不顯真讀之之過也

又謂易本卜筮而作皆因

吉凶以示訓戒故其言往

約而心包甚厚夫子心傳

亦略乎其二端以見凡例

而已然自後世分注合注

之後各在便文取義性

未及既乃全徑而述執傳

之一端以為定說於是一卦

一爻僅為一事而易之所用

反有以局而無以通天下之故

即先生以改官之命正以嘉其廉退今乃冒進擢之寵

是左右望而罔市利力辭時上諭大臣欲獎用廉退執

政以先生為言故有是命會有言虛名之士不可用者

以故再辭即從其請主管武夷山冲佑觀五年嘉穀遣

南康軍事辭者四始之任先生自同安歸奉祠家居幾

二十年間開貧困不以屬心涵養克積理明義精見之

行事者益霽然矣至郡懇惻愛民如已隱憂興利除害

惟恐不及屬邑星子土瘠稅重乞從蠲減章允五六上

歲值不雨講求荒政允請於朝言無不盡官物之檢放

倚閣蠲減除豁帶納如秋苗夏稅木炭月椿經總制錢

之屬各視其色目為之條奏或至三四不得請不已并

又謂詩自毛鄭以來以序為主其序經文并序則妄穿鑿為說先生獨經文為正而計其序之是也後為一編附其後以還其曰云五年史浩改設中書官政府詔宜以郎除南庫軍四拜六年始之任首下教三条一以後繁重求以寬恤之方二俾士人鄉先教戒身子便修孝悌忠信之行三俾父老推擇子弟之志各者詣各又立廡以祠以二程配享別之南請節劉西園父子李公擇陳了翁王吳堂復白鹿玄院約聖人教人為各之大端各列以示各者

奏請截留綱運乞轉運常平兩司撥錢米充軍糧備賑濟申嚴隣路斷港遏糴之禁選官吏授以方畧俾視境內具知荒歉分数戶口多寡蓄積虛實通商勸分多所全活其施設次第人爭傳錄以為法訖事奏乞依格推賞納粟人者凡於四郡濱大江舟楫岸者遇大風輒淪溺因募飢民等堤捍舟民脫於飢舟患必憊先生視民如傷至其豪侵擾細民撓法害政者懲之不少貸由是豪強斂戢里閭安靖數詣郡學引進士子與之講論訪白鹿洞書院遺址奏復其舊又奏乞賜書院勅額及高宗御書石經板本九經注疏等書者至每每休沐輒一至諸生質疑問難誨誘不倦退則相與徜徉泉石間竟

十二年還自浙東見其

士習馳騁於外每語

各者且現孟子道性善

反求放心兩章務收歛

斂定以致克己求仁之

方而得亦其各之詩

以為舍六經語孟而尊

史遷舍旁理盡性而

旁世變舍治心修身

而盡事功大為各者

心術之害極力為呂

祖儉軍言之又答陳

亮云為其義利双

行王伯并用之說先生

曰為內各術之弊不過

兩說江西柳伯來庫

功者不極力爭辨此

道無由以明

十三年易各啓蒙成

先生初作本義懼各

者未明厥旨乃作啓

紀金卷三

五

日乃返又求栗里陶靖節之居西澗劉屯田之墓孝子

熊仁瞻之間旋顯之猶以不得悉行其志為恨明正詔

監司郡守條具民間利病遂上疏言天下之大務莫大

於恤民恤民之本又在人君正心術以立紀綱今日民

間特以稅重為苦正緣二稅之入朝廷盡取以供軍而

州縣無復贏餘則不免於二稅之外別作名色巧取於

民今民貧賦重若不討理軍實去其浮冗則民力決不

可寬惟有選將吏覈兵籍可以節軍實開廣屯田可以

益軍儲練習民兵可以益邊備今日將帥之選率皆膏

粱子弟廝役冗流所得差遣為費已是不貲到軍之日

惟望裒歛刻剝以償債負揔饋餉之任者亦皆倚負幽

蒙中篇以為言易不本
蒙也既支難散漫而無
所根著其本蒙也者
又不知法象之自然主
先穿鑿附會收其目
以本卷去原封盡明着
東考變占為次凡挂
撰及變文盡破古今
諸伎之泥
十四年先生既授揮太
又懼其失序先本乃輯
小字云訓蒙士使培
其本以達支
十五年始出太極通玄
西銘解授各者
紹熙元年在漳州刊中
經四子去成奉以告諸
先聖易取古文分經為
十二編詩去皆取序合
為一篇實諸經後春
秋則出左氏經文別及

陰交通貨賂其所驅侵東南數十州之脂膏骨髓名為
供軍而輦載以輸權倖之門者不可以數計然則欲討
軍實以紓民力必盡反前之所為然後可以革也授將
印委利權一出於朝廷之公議則可以絕苞苴請托之
私而刻剝之風可革務求忠勇沉毅實經行陣之人則
可以革輕授非才之弊而軍士畏愛蒐閱以時竄名冗
食者不得容於其間又擇老成忠實通曉兵農之務者
使領屯田之事付以重權責以久任則可以漸省列屯
坐食之兵稍損州郡供軍之數軍籍既覈屯田既成兵
民既練州縣事力既紓然後可以禁其苛歛責其寬恤
庶幾窮困之民得保生業無復流移漂蕩之患矣所謂

一古以連三經後四子則謂程子之教人及先使之用力後及乎六經其意大孝於裕中庸孟子然不先孟子而遽及中庸非入道之術

五年冬竹林精舍成後改倉州幸諸生行舍乘之礼于先聖生師以告成事周程邵張司馬延平七先生後祀祝文曰

恭惟道統
遠自羲軒
述古垂訓
萬世心程
惟顏曾氏
傳以正宗
自時厥後
口耳失其
周程授受
乃理一原
集慶大成
允屬元聖
三千其徒
化若時雨
逮思及興
益以光大
千有餘年
乃曰有緒
日邵曰張
爰及司馬

其亦在於正心術以立紀綱者蓋天下之紀綱不能以自立必人主之心術公平正大無偏黨反側之私然後紀綱有所繫而立君心不能以自正必親賢臣遠小人講明義理之歸閉塞私邪之路然後乃可得而正今宰臺省師傳賓友諫諍之臣皆失其職而陛下所與親密謀議者不過一二近習之臣此一二小人者上則盡惑陛下之心志使陛下不信先王之大道而悅於功利之卑說不樂莊士之讜言而安於私讒之鄙態下則招集士大夫之嗜利無耻者文武彙今各入其門所喜則陰為引接擢實清顯所惡則密行訾毀公庭擠排交通貨賂則所盜者皆陛下之財命卿置將則所竊者皆陛下

求其是決去其非後學久	且言為今之要惟事之審	太極各庚申夜復說西銘	用駭京己未夜為諸生說	此年加以痞滿之訂匠者	六月三年先生素有足疾	惠我先以	敢昧厥躬	探原推本	同好鼎來	連茲退老	往未有中	載鑽載仰	夕蒙義方	某以凡陋	道則同飲	季往殊轍
						永、無數	尚以昭格	莫以告庚	群居伊始	茂修了立	幸無失墜	賴天之灵	晚逢有道	中虎常師	如夜復旦	俾我後人

下之柄陛下所謂宰相師傳實友諫諍之臣或又出入
 其門墻承望其風指其幸能自立者亦不過齷齪自守
 而未嘗敢一言以斥之其甚畏公論者乃畧能驚逐其
 徒黨之一二既不能深有所傷而終亦不敢明言以擣
 其囊橐竄穴之所在勢成威立中外靡然向之使陛下
 之號令黜陟不復出於朝廷而出於此一二人之門名
 為陛下之獨斷而實此一二入者陰執其柄益其所壞
 非獨壞陛下之紀綱乃併與陛下所以立紀綱者而壞
 之則民又安可得而恤財又安可得而理軍政何自而
 脩土宇何自而復宗廟之儲趾又何時而可雪耶先生
 在任嘗用劄子奏事復因臺諫言劄子非舊制遂奏乞

之理一自出於彼皆無曲
聖人之事天地生万物直
而已率固改大率誠意章
午刻暴下不能與笑矣
諸生入向疾先生勉以相偕
率下至若工夫牢固着足
方有進步玄甲子念移
中書諸生復入向疾曰萬
一不諱用書儀才先生握
首用儀札手亦搖首然則
參用之乃領之意若素終
筆於後筆已不出運大頃
置筆就枕語歸巾目門
人使正之揮婦女世得近
諸生揖退良久恬然之逝
是日大風拔木以原崩屋
哲人之萎豈大變哉
門人范金率同門之士祭於
至隔曰天之生天蓋亦不

罷黜又以致人戶逃移有効者再以疾請奉祠者五將
備除江西提舉常平茶鹽事待次初廟堂議遣先生使
蜀上意不欲其遠去故有是命詔以脩舉荒政民無流
殍除直秘閣九三辭皆以前所奏納粟人未推賞難以
先被恩命會湖東大飢易提舉湖東常平茶鹽事時民
已艱食即日單車就道復以南康納粟人未推賞辭職
名且乞奏事之任納粟賞行遂受職名八對其一言陞
下臨御二十年間水旱盜賊畧無寧歲意者德之崇未
至於天與業之廣未及於地與政之大者有未舉而小
者無所繫與刑之遠者或不當而近者或幸免與君子
有未用而小人有未去與大臣失其職而賤者竊其柄

如儲精孕及河淮岳

厥惟孔猷是以殊追先

生之生黃河其清先生之

止淮岳其類不知何年復

此胚胎凌友份集寔寔告

期山哀浦思雲慘風悲

穴一慟萬古長辭

初居崇安五夫里榜讀書

之室曰峯陽書堂識鄉園

常在目也後築室建陽

峯之巔号曰雲谷其早

堂曰晦庵自号雲谷老人

亦曰晦庵因自号晦翁

晚居考亭作精舍曰滄洲

号滄洲病叟最後号

翁

吾云作詩頂足南柳門

未乃佳不如是無以發

冲溪之致不免於促在

與直諫之言罕聞而諂諛者衆與德義之風未著而汙

賤者聘與貨賂或上流而懸澤不下究與責人或已詳

而又躬有未至與夫必有是數者然後足以召災而致

異其二言陛下即政之初蓋嘗選建英豪任以政事不

幸其間不能盡得其人是以不復廣求賢哲而姑取軟

熟易制之人以充其位於是左右私襲使令之賤始得

以奉燕閒備驅使而宰相之權日輕又慮其勢有所偏

而因重以壅已也則時聽外廷之論將以陰察此輩之

負犯而操切之陛下既未能循天理公聖心以正朝廷

之大體則固已失其本矣而又欲兼聽士大夫之公言

以為駕馭之術則士大夫之進見有時而近習之從容

由到古人佳處也如進詩及
章詩亦不可不熟觀其頂讓
語孟以抑其本

又云三百篇性情之本雖駢
詞賦之宗今詩言不本之失
亦淺矣後山詩固佳然亦
筆以力盡力竭模已大變化
今者要務不求諸已精熟
語孟求至天用之也

今日學者不長進只是心不
在焉吾記少年時在同安夜
中鐘鼓聲其一聲未絕心
已自走心因以此警者乃知
為各處是專心致知

吾論科舉云非是科舉累人
自是人累科舉若高見遠
識之士懷至天去拙吾所見
而為文以名之得失利害
置之度外往日之度亦不

綱鑑卷三

無間士大夫之禮貌既華而難親其議論又苦而難入
近習便嬖側媚之態既足以蠱心志其胥史狡獪之術
又足以眩聰明此其生熟甘苦既有兩分陛下未及施
其駕馭之術而先墮其數中矣是以雖欲微抑此輩而
此輩之勢日重雖欲兼采公論而士大夫之勢日輕重
者既挾其重以竊陛下之權輕者又借力於兩重以為
竊位固寵之計中外相應更濟其私日徃月來浸淫耗
蝕使陛下之德業日隳綱紀日壞邪使充塞貨賂公行
兵然民怨益賤間作災異數見饑饉荐臻群小相挺人
人皆得滿其所欲惟有陛下無所得而國家顧乃獨
受其弊其言救荒利害如州縣旱傷旱行撫按從實

累也某於科舉自小便見口輕初亦九有見而輕之也

某少時亦參禪李先主極言不是後來考竟這過長得寸那過縮了一寸到今消錢死餘笑

旧昔以心治性處俗類聚者、熟久則自見

讀書須從一某句時讀書方讀上句不知有下句才讀上章不知有下章讀中庸則祇讀中庸讀論語則祇讀論語一日之間祇看一章得諸家說合手不合凡讀之到冷淡

蠲減勸諭人戶賑糶務得其平納粟之人早行推賞所納米數仍減其半乞撥豐儲倉米三十餘萬石以備濟糶州縣新舊官物並且住催紹興丁身等錢預行蠲放及免米商力勝稅錢量立賞格官吏違慢者奏劾昏病者別與差遣仍差選得替待闕官廟持服官負時暫管幹其四言水旱三分以上第五等戶免檢並放五分以上第四等戶依此施行乞行著令及請推行社倉條約於諸路其五言紹興和買乞議革其弊其六言南康嘗乞蠲減星子租稅有司拒以對補客細鄙狹不達大體其七言白鹿書院請賜書額先生所對奏劄九七其一二皆自書以防宣洩又以南康所上封事繕寫成冊用

無味如尤當着力推

考

曰見李先說理會
文字須令一件融釋

後更理會一件融釋

二字甚好此亦伊川

所召今日格一件明日

格一件格得多少後自

脫然有貫通處

某曰日看文字專看

異同如如上蔡之說

如彼崑山之說如此

何者為得何者為失

所以為得者是如何

所以為失者是如何

把一己私意去看至

矣云如何看得出

只是不先立論且尋

句內意隨文解義

某少時讀四書其手

袋重封於閤門投進後玉劄亦有非一時救荒之急者
當倥偬不暇給之際而憂深慮遠從容整暇蓋急於救
民罄竭忠悃不敢有所隱也先生所居之鄉每歲春夏
之交豪戶閉糶牟利細民發廩強奪動相賊殺幾至挺
變先生嘗帥鄉人置社倉以賑貸之米價不登人得安
業至是乞推行之白鹿書院事本不暇及前期執政使
人諭以宜且勿言先生因念主上未必有鄙薄儒生之
意而大臣先為此言不可及對卒言之上委曲訪問悉
從其請先生初拜命即移書他郡募米商蠲其征及至
客舟之米已輻湊復以八奏荒政數事推廣條上情詞
懇惻條目詳密日與僚屬寓公鉤訪民隱至廢寢食分

其於大孝用工甚多司
馬公作通鑑言臣平
生精力盡在此云其於
大孝亦於此中庸却
不費力
易非冬者急務其平
費了些精神理會易
字於然其得力未若
孟之多
讀詩惟是誦誦之功
亦云詩原是誦吟誦
以得之其懷於先者
許多註解不問却被
却收得詩誦誦五十
之得詩之言却去看
注解便費減了五分
上功夫更從頭誦誦
五十過則省中判然
其二十時得上蔡語
錄

畫院定按行所部窮山長各靡所不到拊問存恤所活
不可勝計每出皆乘單車屏徒從所歷雖廣而人不知
郡縣官吏憚其風采倉皇驚懼常若使者望其境至有
自引去者由是所部肅然而尤以戢盜捕蝗興水利為
急天批指畫悉如南康時而用心尤苦初奏紹興和買
之弊至是乞先與痛減歲額然後用實頭科敷惟恐真
下戶受其弊則請密用高下等第均敷及減免下戶丁
錢以優之又乞免台州丁錢至於差役利害亦嘗條具
數千言申省義後之法則乞令均出義田罷去役首免
排後次官差保正副長輪以義田仍令上戶兼充戶長
又乞取會福建下四州見行產鹽法行於本路沿海四

初用銀硃叠出合亥
及再觀不同矣乃用粉
筆三觀則乃用墨筆
如過後則全与元者
時不介矣

讀云用工之維某旧時
用心甚苦思量這道
理如過危木橋子五
十歲後覓得心力短
四子文字皆是五十已
前做了五十已後則長
進得集不多

讀之念多最是太病
下梢都理會不得若
到困時着更仔細事
為同安在客邸只傳
得一冊孟子仔細讀方
為得本之

又曰某讀云今年方
無畏

州又乞依慶州見行之法改諸郡酒坊為萬戶於縣荒
之餘猶悉及他事以為經久之計先生猶以徒費大農
數十萬緡無以全活一道飢民自効又以前後奏請多
見抑却幸而從者又率稽緩後時無益於事蝗旱相仍
不勝憂憤復奏言為今之計獨有斷自聖心沛然發帑
責躬求言然後君臣相戒痛自省改其次惟有盡出內
庫之錢以供大禮之費為收糴之本詔戶部無得催理
舊文詔諸路漕臣遵依條限檢放稅租詔宰臣沙汰被
災路分州軍監司守臣之無狀者遴選賢能責以荒政
廢幾猶足以下結人心消其乘時作亂之意不然臣恐
所憂者不止於餓殍而在此盜賊蒙其害者不止於官

又曰人治生須先理會
介屋子今者不先存
此心東之西之自無安
着安如近日江西所說
是守介死物事又曰
某不敢自昧實以鉢
累寸積而後之又曰
前者得此心只是是
而地今看其地其宜
以萬裡在裡面前
者得似一張白紙今
者得那紙上都寫
字又曰某曰時持此
亦如高近來佛之移
近下佛之竟實

吏而上及於國家也後上時宰書云朝廷愛民之心不
如惜費之甚是以不肯為極力救民之事明公愛國之
心不如愛身之功是以但務為阿諛順指之計然民之
與財孰輕孰重身之與國孰大孰小財散猶可復聚民
心一失則不可復收身危猶可復安國勢一傾則不可
復正至於民散國危而指身無所則其所安有不為大
盜積者耶九年以賑濟有勞進直徽猷閣辭知台州唐
仲友與時相王淮同里為姻家遷江西提刑未行先生
行部訟者紛然得其姦賊偽造措弊等重劾之時久旱
而雨奏上淮匿不以聞仲友亦自辯且言弟婦王氏驚
悸病篤論愈力章至十上事下紹興府鞠之獄具情得

乃奪其新命授先生先生以為是蹊田而奪之牛辭不
拜遂歸尋令兩易江東辭及辭職名且言唐仲友雖寢
新命已具之獄竟釋不治則是所按不實難以復沾恩
賞並不許授職名再辭新任且乞奉祠言所劾賊吏黨
與衆多並當要路大者宰制幹旋於上小者馳騁經官
於下若其加害於臣不遺餘力則遠至師友淵源之所
自亦復無故橫肆觚排為臣之計惟有乞身就閑或可
少紓患害時從臣有奉時相意上疏毀程氏之學以陰
詆先生者故有是言十年差主管台州崇道觀先生守
南康使浙東始得行其所學已試之效卓然而卒不果
用退而奉崇道雲臺鵬慶之祠者五年自是海內學者

尊信益衆十四年除提點江西刑獄公事待次以疾辭

不許遂拜命十五年促奏事又以疾辭不許遂行又以

改中
周又太為相

疾請奉祠者再准罷相遂力疾入奏首言近年以來刑
獄不當輕重失宜甚至沒於人倫風化之重者有司議
刑亦從流宥之法則天理民彝幾何不至於泯滅又言
州郡獄官乞注有舉主關陞及任滿銓試第二等以上
人常調關陞及省部胥吏並不得法擬若縣獄則專委
之令或不得人則無所不至亦望縣丞或主簿同行推
訊又言提刑司管催經總制錢起於宣和末年倉卒用
兵權宜措畫其始亦但計其出納之實數而隨以取之
及紹興經界民間投印違限契約所入倍於常歲自後

遂以是年為額而立為比較之說甚至災傷檢放倚閣
錢米已無所入而經總制錢獨不豁除州縣之煎熬何
月而必紓斯民之愁嘆何時而必息又言江西諸州科
罰之弊至其末篇乃言陛下即位二十有七年而因循
荏苒無尺寸之效可以仰酬聖志嘗反覆而思之無乃
操閒蟻濫之中虛明應物之地天理有未純人欲有未
盡歟天理未純是以為善不能充其量人欲未盡是以
除惡不能去其根一念之頃公私邪正是非得失之機
朋分角立交戰於其中故體貌大臣非不厚而便嬖側
媚得以深被腹心之寄寤寐豪英非不切而柔邪庸繆
得以久竊廊廟之權非不樂聞公議正論而有時不容

非不聖說殄行而未免誤聽非不欲報復陵廟讎恥
而不免畏怯苟安非不欲愛養生靈財力而未免嘆息
愁怨凡若此類不一而足願陛下自今以往一念之頃
則必謹而察之此為天理耶為人欲耶果天理也則敬
以克之而不使其少有壅闕果人欲也則敬以克之而
不使其少有凝滯推而至於言語動作之間用人處事
之際無不以是裁之則聖心洞然中外融徹無一毫之
私欲得以介乎其間而天下之事將惟陛下之所欲為
無不知忘矣是行也有要之於路以正心誠意為上所
厭聞戒以勿言者先生曰吾平生所學只有此四字豈
可回互而欺吾君乎及奏上未嘗不稱善曰久不見卿

漸東之事朕自知之今當處卿清要不復勞卿州縣除
兵部即以足疾丐祠未供職本部侍郎林栗前數日與
先生論易而銘不合至是遣部吏抱印迫以供職先生
以疾告遂疏先生冀慢時上意方嚮先生欲易以他部
卽時相竟請授以前江西之命仍舊職名又令吏部給
還改官以後不曾陳乞磨勘蓋先生改秩既出特恩其
後累任祠官無績可考以故不曾陳乞磨勘者十有四
年先生行且辭曰論者謂臣事君無禮為人臣子有此
名罪當誅豈可復任外臺耳目之寄章再上除直寶
文閣主管西京嵩山崇福宮栗亦罷辭磨勘及職名不
許轉朝奉如未踰月再召時廟堂知上眷厚憚先生復

入故為兩罷之策上悟先生復召受職名辭召命以為
遷官進職皆為許其閑退方竊難進易退之懷復為彈
冠結綬之計則其為世觀笑不但往來眉眉之譏又促
召初先生入奏事迫於疾作嘗面奏以為口陳之說有
所未盡乞具封事以聞至是再辭遂併具封事投匭以
進其畧曰今天下大勢如人有重病內自心腹外達四
肢無一毛一髮不受病者臣不暇言且以天下之大本
與今日之急務為陛下言之蓋大本者陛下之心急務
則輔翼太子選任大臣振舉綱維變化風俗愛養民力
脩明軍政六者是也古先聖王兢兢業業持守此心雖
在紛華波動之中幽獨得肆之地而所以精之一之克

之復之如對神明如臨淵谷猶恐隱微之間或有差失而不自知是以建師保之官列諫諍之職凡飲食酒漿衣服次舍器用財賄典夫宦官宮妾之政無一不領於冢宰使其左右前後一動一靜無不制以有司之法而無纖芥之隙瞬息之頃得以隱其毫髮之私陛下之所以精一克復而持守其心果有如此之功乎所以脩身齊家而正其左右果有如此之效乎宮省事禁臣固不得而知然爵賞之濫貨賂之流閭巷竊言久已不勝其籍籍則陛下所以脩之家者恐其未有以及古之聖王也至於左右便嬖之私恩遇過當佞者淵覲說拊之徒勢焰熏灼傾動一時今已無可言矣獨前日臣所面陳

者雖蒙聖慈委曲開譬然臣之愚竊以為此輩但當使
之守門傳命供掃除之後不當假借崇長使得逞邪媚
作淫巧於內以蕩上心立門連招權勢於外以累聖政
臣竊聞之道路自王打既逐之後諸將差餘多出此人
之手陛下竭生靈膏血以奉軍旅而軍士顧乃未嘗得
一溫飽是皆將帥巧為名色奪取其糴肆行貨賂於近
習以圖進用出入禁闥腹心之臣外交將帥共為欺蔽
以至於此而陛下不悟反寵暱之以是為我之私人至
使宰相不得議其制置之得失給諫不得論其除授之
是非則陛下何以正其左右者未能及古之聖王又明
矣至於輔翼太子則自王十朋陳良翰之後宮寮之選

號為得人而能稱其職者蓋已鮮矣而又時使邪佞猥
得闖冗庸妄之輩或得參錯於其間所謂誨讀亦姑以
應文備數而未聞其有箴規之效至於從容朝夕陪侍
遊燕者又不過使臣宦者數輩而已唐之六典東宮之
官師傳賓客既職輔導而詹事府兩春坊實擬天子之
三省故以詹事庶子領之今則師傳賓客既不復置而
詹事庶子有名無實其左右春坊遂直以使臣掌之何
其輕且褻之甚耶夫立太子而不置師傳賓客則無以
發其隆師親友尊德樂義之心獨使春坊使臣得侍左
右則無以防其戲慢媒狎奇衰雜進之害宜討論前典
置師傳賓客之官罷去春坊使臣而使詹事庶子各復

其職至於選任大臣則以陛下之聰明豈不知天下之事必得剛明公正之人而後可任哉其所以常不得知此之人而反容鄙夫之竊位者直以一念之間未能徹其私邪之蔽而無私之好便嬖之流不能盡由於法度若用剛明公正之人以為輔相則恐其有以阿吾之事害吾之人而不得肆是以選掄之際常先排擯此等真之度外而後取凡疲懦軟熟平日不敢直言正色之人而揣摩之又於其中得其至庸極陋決可保其不至於有所妨者然後舉而加之於位是以除書未出而物色先定姓名未顯而中外已逆知其決非天下之第一流矣至於振肅紀綱變化風俗則今日宮省之間禁密之

地而天下不公之道不正之人顧乃得以密穴盤據於
其間而陛下目見耳聞無非不公不正之事則所以熏
蒸銷鑠使陛下好善之心不著疾惡之意不深其害已
有不可勝言者矣及其作姦犯法則陛下又未能深割
於愛而付諸外廷之議論以有司之法是以紀綱不能
無所統數紀綱不正於上是以風俗頹弊於下蓋其為
害之已久矣而浙中為尤甚大率君為軟美之態依阿
之言以不分是非不辯曲直為得計下之事上固不敢
小忤其意上之御下亦不敢稍拂其情惟其私意之所
在則千塗萬轍經營計較必得而後已甚者以金珠為
脯醢以契券為詩文宰相可啗則啗宰相近習可通則

通近習惟得之求無復廉耻一有剛毅正直守道循理之士出乎其間則群譏衆排指為道學而加以矯激之罪十數年來以此二字禁錮天下之賢人君子儻如景宣之間所謂元祐學術者排擯詆辱必使無所容其身而後已嗚呼此豈治世之事而尚復忍言之哉至於愛養民力脩明軍政則自實允文之為相也盡取版曹歲入窠名之必可指擬者號為歲終羨餘之數而輸之內帑顧以其有名無實積累掛欠空載簿籍不可催理者撥還版曹以為內帑之積將以備他日用兵進取不時之須然自是以來二十餘年內帑歲入不知幾何而認為私貯典以私人宰相不得以式貢均節其出入版曹

不得以簿書勾考其在止其日銷月耗以奉燕私之賞者蓋不知其幾何矣而曷嘗聞其能用此錢以易胡人之首如太祖皇帝之言哉徒使版曹經費闕乏日甚督趣日峻以至廢去祖宗以來破分良法而必以十分登足為限以為未足則又造為比較監司郡守廢量之法以誘脅之於是中外承風競為苛急此民力之所以重困也諸將之求進也必先撻剋士卒以殖私財然後以此自結於陛下之私人而斬以姓名達於陛下之貴將貴將得其姓名即以付之軍中使自什伍以上節次保明稱其材武堪任將帥然後具為奏牘而言之陛下之前陛下但見其等級推先案牘具備則誠以為公薦而

唐裴度章處厚以高馬飲也武節
度使先是擇帥走出官軍中
所輸貨皆假貸富人倍以利息
及兩有命士大夫曰裴章作天下
無債財矣

可以得人矣而豈知其論價輸錢已若晚唐之債帥哉
夫將者三軍之司命而其選置之方乖刺如此則彼智
勇材略之人孰肯折心下首於宦官宮妾之門而陛下
之所得以為將帥者皆庸夫走卒而猶望其脩明軍政
激勸士卒以強國勢豈不誤哉九此六事皆不可緩而
其本在於陛下之一心一心正則六事無不正一有人
心私欲以介乎其間則雖欲億精勞力以求正夫六事
者亦將徒為文具而天下之事愈至於不可為矣疏入
夜漏下七刻上已就寢亟起秉燭讀之終篇明日除主
管太乙宮兼崇政殿說書時上已有倦勤之意蓋將以
為燕翼之謀先生嘗草奏疏言講學以正心脩身以齊

家遠便嬖以近忠直折私恩以抗公道明義理以絕神
姦擇師傳以輔皇儲精選任以明體統振綱紀以厲風
俗節財用以固邦本脩政事以攘夷狄凡十事欲以為
新政之助會弊政有指道學為邪氣者力辭新命除秘
閣修撰仍奉外祠遂不果上先生當孝宗朝陞對者三
上封事者一其初固以講學窮理為出治之大原其後
則直指天理人欲之分精一克復之義其初固以當世
急務一二為言其後封事之上則心術宮禁時政風俗
披肝瀝膽極其忠鯁蓋所望於君父愈深而其言愈切
故於封事之末有曰日月逾邁如川之流一往而不復
不惟臣之蒼顏白髮已迫遲暮而竊仰天顏亦覺非昔

時矣忠誠懇惻至今讀者猶為之涕下先生進疏雖切
孝宗亦開懷容納武博編摩秘省郎曹之除盖引以自
近守南康持漕東江西之節又知其不可強留而授之
至是復有經帷之命先生之盡忠孝宗之受盡言亦未
為不遇也然先生進言皆痛詆大臣近習孝宗之眷愈
厚而嫉者愈深是以不能一日安其身於朝廷之上而
孝宗內禪矣光宗即位再辭職名仍舊直寶文閣降詔
獎諭除江東轉運副使以疾辭者再覃恩轉朝散郎賜
緋衣銀魚改知漳州又再以疾辭不許時光宗初政再
被除命遂以紹熙元年之任奏除屬縣無名之賦七百
萬減經總制錢四百萬加意學校教誘諸生如南康時

又以習俗未知禮探古喪葬嫁娶之儀揭以示之命父
老解說以教子弟釋氏之教南方為盛男女聚僧廬為
傳經會女不嫁者私為庵舍以居悉為之禁俗大變郡
有故迪功郎高登忤秦檜貶死為奏請昭雪褒其直會
朝論欲行泉漳汀三州經界先生初仕同安已知經界
不行之害至是訪事宜擇人物以至弓量之法洞見本
末遂疏其事上之且言必可行之說三將必至於不能
行之說一蓋謂經界法行息爭止訟大為民利而占田
隱稅侵漁貧弱者所不便及具宣德意榜之通衢則邦
民鼓舞而富公豪右更為異議以沮之遂因地震及是
疾不赴錫宴自劾其冬有旨先行漳州經界南方春早

三年冬陸九淵卒於衡門
四年永嘉陳傅良執去
之末微侍從年未及子
士友言之未嘗略筆墨
見必以雅頌之書餽餽
辟遠訓世章句付之
諸生又仍十年間聞見
身同其說就正間然以
扣之念長者前有長正
之爭後有伯川之辯他
如永康性正動教子言
更相切磋未見其益

事已無及明年屬有嗣子之喪再請奉祠除秘閣脩撰
主管南京鴻慶宮先生以當上初政嘗辭前件職名已
降褒詔從其請難以復受辭者再詔論撰之職以罷名
儒乃拜命除荆湖南路轉運副使再辭漳州經界竟報
罷遂以前言經界可行自効三年再以病辭乞補滿宮
觀從之又數月差知靜江府廣南西路經界安撫辭四
年又辭主管南京鴻慶宮未幾差知潭州荆湖南路安
撫以辭遠就近不為無嫌力辭五年再辭有旨長沙巨
屏得賢為重會洞獠擾屬郡遂拜命赴鎮至則遣人諭
以禍福皆降之申教令嚴武備戢姦吏抑豪民先生所
至必興學校明教化湖湘士子素知學日伺公退則請

而冬者轉相考晚浸失本
旨 刻畫太精頗傷簡
易於持已甚反後者
以此益益者不此宣要
順信見此亮事曲耳
是年陳亮平 鳴也

卷三

二十

質所疑先生為之講說不倦四方之學者異至又以南
康漳州所申改正釋奠儀式為請錄故死節五人為之
立廟孝宗升遐先生哀慟不能自勝又聞上以疾不能
執喪中外洶洶益憂懼遂申省乞歸田里言天下國家
所以長久安寧惟賴朝廷三綱五常之教建立脩明於
上然後守藩述職之臣有以稟承宣布於下所以內外
相維小大順序雖有強猾姦宄無所逞志不然以一介
書生置諸數千里軍民之上亦何所憑恃而能服其衆
哉又草封事極言父子天性不應以小嫌廢彝倫言頗
切直會今上禪位不果上上在潛邸聞先生名每恨不
得先生為本宮講官至是首召奏事先生行且辭除煥

章閣待制侍講辭不許又再辭且言陛下嗣位之初方
將一新庶政盱宜愛惜名器若使倖門一開其弊豈可
復塞至於博延儒臣專意講學精求所以得親權者為
建極尊民之本思所以大振朝綱者為防微慮遠之圖
顧問之臣實資輔養用人或繆所繫非輕蓋先生有道
聞南內朝禮尚闕近習已有用事者故預有是言又不
許遂奏乞且依元降旨揮帶元官職奏事者再致入對
省言乃者天運艱難國有大咎盱謂天下之大變而不
可以常理處者太皇太后躬定大策陛下寅紹丕圖可
謂處之以權而庶幾不失其正矣然自頃至今亦既三
月或反不能無疑於逆順名實之際禍亂之本又已伏

於冥冥之中竊為陛下憂之猶有可諉者亦曰陛下之心前日未嘗有求位之計今日未嘗忘思親之懷此則道心微妙之全體天理發用之本然所以行權而不失其正之根本也誠即是心而充之則所謂求仁得仁而無怨終身訢然樂而忘天下者臣有以知陛下之不難矣借曰天命神器不可無傳宗廟社稷不可無奉則轉禍為福易危為安亦豈可舍此而他求哉充吾未嘗求位之心則可以盡吾負罪引慝之誠充吾未嘗忘親之心則可以致吾溫清定省之禮始終不越乎此而大倫正大本立矣次言為學莫先於窮理窮理必在於讀書讀書之法莫貴於循序而致精致精之本又在於居敬

而持志又三劄言湖南歲計入少出多不可支吾乞裁
減差到諸班換授歸正雜色補官負數部州邊防全無
措畫以致徭人侵犯乞移置寨柵增撥戍兵潭州城壁
乞行計度脩築既對而辭待制待講不許翌日又辭待
制職名乞改作說書差遣以為未得進說而先受厚恩
萬一異時未效消煢而疾病不支遂竊侍從職名而去
則臣死有餘罪上手札卿經術淵源正資勸講次對之
職勿復牢辭以副朕崇儒重道之意遂拜命會趙彥逾
按視孝宗山陵以為土肉盛傳掘深五尺下有水石旋
取新穴比舊僅高尺餘孫逢吉覆按亦乞以寬日月別
求吉兆有旨集議臺史憚之議遂中寢先生竟上議狀

言壽皇聖德神功宜得吉土以奉衣冠之祿當廣求術士博訪名山不宜偏信臺史罔上誤國之言固執紹興坐南向北之說委之水泉砂礫之中殘破浮淺之地不報覃恩轉朝請即賜紫章服無實錄院同脩撰再辭不許拜命受詔進講大學先生以平日論著敷陳開析務積誠意以感上心遂奏乞除朔望旬休及過宮日分不以寒暑雙隻日月諸假故並令早晚進講又乞置局省詳四方封事瑞慶節免稱賀皆從之復因有旨修葺舊東宮為屋三數百間遂具四事奏言當上帝震怒災異數出畿甸百姓飢餓流離太上皇帝未獲進見壽皇因山未卜太皇太后皇太后皆以尊老之年然憂者不

宜大興土木以就安便壽康之省之體所宜下詔自責
頻日繼往顧乃逶迤舒緩無異尋常太上皇帝必以為
此特備禮而來其深閉固拒而不得見亦宜矣朝廷紀
綱尤所當嚴上自人主下至百執各有職業不可相侵
今進退宰執移易臺諫皆出陛下之獨斷大臣不與謀
給舍不及議正使其事悉當於理亦非為治之體況中
外傳聞皆謂左右或竊其柄而其所行又未能盡允於
公議乎此弊不革臣恐名為獨斷而主威未免於下移
欲以求治而反不免於致亂未復申言殞宮之下不宜
偏聽臺史膠固繆妄之言墮其交結眩惑之計皆不報
先生進講每及數次復以前所講者編次成帙以進上

亦開懷容納且面諭以求放心之說甚善所進冊子宮
中常讀之今後更為點來先生知上有意於學遂以劄
子勉上進德其略言願陛下日用之間語默動靜必求
放心以為之本而於玩經觀史親近儒學已用力處益
用力焉數召大臣切磨治道俾陳今日要務略如仁祖
開天章閣故事至於群臣進對亦賜溫顏及覆詢訪以
求故事之得失民情之休戚而又因以察其人才之邪
正短長庶於天下之事各得其理又奏禮經勅令子為
父嫡孫承重為祖父皆斬衰三年嫡子當為父後不能
襲位執喪則嫡孫繼統而代之執喪自漢文短喪歷代
因之天子遂無三年之喪為父且然則嫡孫承重可知

人紀廢壞三綱不明千有餘年莫能肇正壽皇聖帝至
性自天孝誠內發易月之外猶執通喪朝衣朝冠皆以
大布所宜著在方冊為世法程間者遺詔初頒太上皇
帝偶違康豫不能躬就喪次陛下以世嫡承大統則奉
重之服著在禮律所宜遵壽皇已行之法一時倉卒不
及詳議遂用漆紗淺黃之服不惟上違禮律且使壽皇
已行之禮舉而復墜臣竊痛之然既往之失不及追改
惟有將未啓殯發引禮當復用初喪之服則其變除之
節尚有可議欲望明詔禮官稽考禮律豫行指定會孝
宗祔廟議宗廟迭毀之次有請併祧僖宣二祖奉太祖
居第一室祫祭則正東向之位者有旨集議僖順翼宣

四祖祧主宜有所歸自太祖皇帝首尊四祖之廟以僖
祖為四祖之首治平間議者以世數寢遠請遷僖祖於
夾室未及數年王安石等奏僖祖有廟典稷契無異請
復其舊詔從之時相雅不以熙寧復祀僖祖為是先生
度難以口舌爭遂移疾上議狀條其不可者四以為藏
之夾室則是以祖宗之主下藏於子孫之夾室至於祫
祭設幄於夾室之前則亦不得謂之祫欲別立一廟則
喪事即遠有毀無立欲藏之天興殿則宗廟原廟不可
相雜議者皆知其不安特以其心意欲尊奉太祖三年
一祫時暫東向之故不知其實無益於太祖之尊而後
侯僖祖太祖兩廟咸靈相與爭較強弱於冥冥之中并

使四祖之神疑於受擯徬徨躑躅不知所歸令人傷痛不能自己今但以太祖當日追尊帝號之心而默推之則知太祖今日在天之靈如此必有所不忍又况僖祖祧主遷於治平不過數年神宗皇帝復奉以為始祖以為得禮之正而合於人心所謂有其舉之而莫敢廢者乎又擬為廟制以辨議者一旦併遷僖宣祖析太祖太宗為二之失復引元祐大儒程頤之說以為物豈有無本而生者今日天下基本盖出僖祖安得為無功業議狀既上廟堂持之不以聞即毀撤僖宣廟室更創別廟以奉四祖宰相既有所偏主樓鑰陳傅良又復牽合裴綴以附其說先生所議頗達上聽忽有旨召赴內殿奏

事因節略狀文及為劄子畫圖以進上然之且曰僖祖
國家始祖高宗孝宗太上皇帝不曾遷今日豈敢輕議
欲令先生於榻前撰數語以御批直罷其事先生懲內
批之弊因言乞降出劄子再令臣僚集議既退復以上
意喻廟堂而事不行經生學士知禮者皆是先生一時
異議之徒忌其軋己權姦遂從而乘之上之立丞相趙
汝愚密與知閣門事韓侂冑謀之侂冑於太皇太后為
親屬因得通中外之言侂冑自謂有定策功居中用事
先生自長沙辭免待制侍講已微寓其意及進對復再
三面言又約吏部侍郎彭龜年共攻之龜年出護使客
侂冑益得志先生又於所奏四事疏斥言左右竊柄之

失後因講筵留身復申言前疏乞賜施行既退即降御批云憫卿耆艾方此隆冬恐難立講已除卿宮觀宰相執奏不行明日徑以御批付下臺諫給舍亦爭留不可除寶文閣待制與州郡差遣力辭尋除知江陵府又力辭仍乞追還新舊職名詔依舊煥章閣待制提舉南京鴻慶宮慶元元年又乞追還舊職不許趙丞相亦罷誣以不軌謫永州丞相既當大任收召四方知名之士中外引領以觀新政先生獨惕然以俛胄用事為慮既屢為上言又數以手書遣使徒密白丞相當以厚賞酬其勞勿使得預朝政且有分界限立紀綱防微杜漸謹不可忽之意丞相方謂其易制所倚以為腹心謀事之人

嘉禾落取罷祠奉
有是疾既又加瘧瘧症
六年三月乙未夜馬諸生
設太極堂庚申夜復設
西銘堂因改太極堂
午刻暴下不能與申之卒
本序

又皆持祿苟安無復遠慮丞相既逐而朝廷大權悉歸
仇曹先生自念身雖閑退尚帶侍從職名不敢自嘿遂
草書萬言極言姦邪蔽主之禍因以明其寃詞旨痛切
諸生更諫以筮決之遇遯之同人先生默然退取諫藁
焚之自號遯翁以廟議不合乞改還職名又以疾乞休
致不許先是吏部取會磨勘至是轉朝奉大夫又辭職
名乞休致又以嘗妄議山陵自効又言已罷講官不敢
復帶侍從職名詔依舊祕閣修撰二年又言昨來䟽封
錫服封贈蔭補磨勘轉官皆為已受從官恩數乞改正
沈繼祖為監察御史上章誣詆落職罷祠四年十二月
以來歲年及七十申乞致仕五年依所請六年三月甲

子終于正寢十一月壬申葬建陽縣東石里之大林谷
嘉泰二年除華文閣待制與致仕思澤傅伯壽故家子
嘗執弟子禮恨不薦已先生辭次對除修撰也伯壽行
詞有慢偽等語及先生沒伯壽守建寧又不以聞故復
職之命猶生存也自先生去國僭冒勢益張鄙夫憮人
迎合其意以學為偽謂貪黷放肆乃人真情絮嫻好禮
者皆為也科舉取士稍涉經訓者悉見排黜文章議論
振於理義者並行除毀六經語孟悉為世之大禁猾胥
賤隸復說無耻之徒徃徃引用以致卿相繩趨尺步稍
以儒名者無所容其身從遊之士特立不顧者孱伏立
慙依阿與懦者更名他師過門不入甚至變易衣冠狎

寶慶三年贈太師信國公紹定三年改徽國公淳祐元年上半年各詔列後祀

遊市肆以自別其非黨先生與諸生講學竹林精舍有勸以謝遣生徒者笑而不答先生既沒善類悉已排擯羣小之勢已成侂冑志氣驕溢遂至擅開邊釁幾危宗社而生靈塗炭矣開禧三年侂冑伏誅凶徒愾當振株斥戮嘉定元年詔賜謚與遺表恩澤明年賜謚曰文又明年贈由大夫特贈寶謨閣直學士後以明堂恩累贈通議大夫先生平居惓惓無一念不在於國聞時政之闕失則戚然有不豫之色語及國勢之未振則感慨以至泣下然謹難進之禮則一官之拜必抗章而力辭屬易退之節則一語不合必奉身而亟去其事君也不貶道以求售其愛民也不徇欲以苟安故其與世動輒齟

吾自筮仕以至屬纊五十年間歷事四朝仕於外者僅
九考立於朝者四十日道之難行也如此然紹道統立
人極為萬世宗師則不以用舍為加損也自章齋先生
得中原文獻之傳聞河洛之學推明聖賢遺意日誦大
學中庸以用力於致知誠意之地先生蚤歲已知其說
而心好之章齋病且亟屬曰藉溪胡原仲白水劉致中
屏山劉彥冲三人吾交也學有淵源吾所敬畏吾即死
汝往事之而惟其言之聽則吾死不恨矣先生既孤則
奉以告三君子而稟學焉時年十有四慨然有求道之
志博求之經傳偏交當世有識之士雖釋老之學亦必
究其歸趣證其是非延平李先生學於豫章羅先生羅

先生學於龜山楊先生延平於韋齋為同門友先生歸
自同安不遠數百里徒步往從之延平稱之曰樂善好
義鮮與倫比又曰穎悟絕人力行可畏其所論難體認
功至自是從遊累年精思實體而學之所造者益深矣
其為學也窮理以致其知反躬以踐其實居敬者所以
成始成終也謂致知不以敬則昏惑紛擾無以察義理
之歸躬行不以敬則怠惰放肆無以致義理之實持敬
之方莫先主一既為之箴以自警又筆之書以為小學
大學皆本於此終日儼然端坐一室討論典訓未嘗少
輟自吾一心一身以至萬事萬物莫不有理存此心於
齋莊靜一之中窮此理於學問思辯之際皆有以見其

所當然而不容已與其所以然而不可易然克其知而
見於行者未嘗不反之於身也不睹不聞之前所以戒
懼者愈嚴愈敬隱微幽獨之際所以省察者愈精愈密
思慮未萌而知覺不昧事物既接而品節不差無所容
乎人欲之私而有以全乎天理之正不安於偏見不急
於小成而道之正統在是矣其為道也有太極而陰陽
分有陰陽而五行具稟陰陽五行之氣以生則太極之
理各具於其中天所賦為命人所受為性感於物為情
統性情為心根於性則為仁義禮智之德發於情則為
惻隱羞惡辭讓是非之端形於身則為手足耳目口鼻
之用見於事則為君臣父子夫婦兄弟朋友之需求諸

人則人之理不異於己參諸物則物之理不異於人貫徹古今充塞宇宙無一息之間斷無一毫之空闕莫不析之極其精而不亂然後合之盡其大而無餘先生之於道可謂達諸天地而不悖質諸聖賢而無疑矣故其得於己而為德也以一心而窮造化之原盡性情之妙達聖賢之蘊以一身而體天地之運備事物之理任綱常之責明足以察其微剛足以任其重弘足以致其廣毅足以極其常其存之也虛而靜其發之也果而確其用之也應事接物而不窮其守之也歷變履險而不易本末精粗不見其或遺表裏初終不見其或異至其養深積厚於持者純熟嚴厲者和平心不待操而存義不

待素而精猶以為義理無窮歲月有限常慊然有不足之意蓋有日新又新不能自己者而非後學之所可擬議也其可見之行則修諸身者其色莊其言厲其行舒而恭其坐端而直其閒居也未明而起深衣幅巾方履拜於家廟以及先聖退坐書室几案必正書籍器用必整其飲食也羹食行列有定位匙箸舉措有定所倦而休也瞑目端坐休而起也整步徐行中夜而寢既寢而寤則擁衾而坐或至達旦威儀容止之則自少至老祁寒盛暑造次顛沛未嘗有頃臾之離也行於家者奉親極其孝撫下極其慈閨庭之間內外斬斬恩義之篤怡怡如也其祭祀也事無纖鉅必誠必敬小不如儀則終

日不樂已祭無違禮則油然而喜死喪之戚哀戚備至
飲食裘絰各稱其情賓客往來無不延遇稱家有無常
盡其歡於親故雖踈遠必致其愛於鄉閭雖微賤必致
其恭吉凶慶弔禮無一不遺邇邇問遺恩無所闕其自奉
則衣取蔽體食取充腹居止取足以障風雨人不能堪
而處之裕如也若其措諸事業則州縣之設施立朝之
言論經綸規畫正大完偉亦可槩見雖達而行道不克
施之一時然退而明道足以傳之萬代謂聖賢道統之
傳散在方冊聖經之旨不明則道統之傳始晦於是竭
其精力以研窮聖賢之經訓於大學中庸則補其闕遺
別其次序綱領條目粲然復明於論語孟子則深原當

時答問之意使讀而味之者如親見聖賢而面命之於
易於詩則求其本義攻其未失深得古人遺意於數千
載之上允數經者見之傳註其關於天命之微人心之
奧八德之門造道之闕者既已極深研幾探賾索隱發
其旨趣而無所遺矣至於一字未安一詞未備亦必沉
潛反覆或達旦不寐或累日不倦必求至當而後已故
章旨字義至微至細莫不理明詞順易知易行於書則
疑今文之艱澁反不若古文之平易於春秋則疑聖心
之正大決不類傳註之穿鑿於禮則病王安石廢罷儀
禮而傳記獨存於樂則憫後世律尺既亡而清濁無據
是數經者亦嘗討論本末雖未能著為成書然其大旨

固已獨得之矣若歷代史記則又考論周以來至於
五代取司馬公編年之書繩以春秋紀事之法網舉而
不繁目張而不紊國家之理亂君臣之得失如指諸掌
周程張邵之書所以繼孔孟道統之傳歷時未久微言
大義鬱而不章先生為之裒集發明而後得以盛行於
世太極先天二圖精微廣博不可涯涘為之解剝條畫
而後天地本原聖賢蘊奧不至泯沒程張門人祖述其
學所得有淺深所見有疏密先生既為之區別以悉取
其所長至或識見小偏流於異端者亦必研窮剖剝而
不沒其所短南軒張公東萊呂公同出其時先生以其
志同道合樂與之友至或識見少異亦必講磨辨難以

一其歸至。若求道而過者，病傳註誦習之煩，以為不立文字可以識心見性，不假修為可以造道，入德守虛靈之識，而昧天理之真。借儒者之言，以文老佛之說。學者利其簡便，詆訾聖賢，捐棄經典，猖狂叫呶，側僻固陋，自以為悟立論。愈下者，則又崇獎漢唐比附三代，以便其計功謀利之私。二說並立，高者陷於虛無，下者溺於卑陋。其害豈淺鮮哉！先生力排之，俾不至亂吾道以惑天下。於是學者靡然向之。先生教人以大學語孟中庸為入道之序，而後及諸經，以為不先乎大學，則無以提綱挈領而盡語孟之精微；不參之以論孟，則無以融會貫通而極中庸之旨趣。然亦會其極於中庸，則又何以建

立大本經綸大經而讀天下之書論天下之事裁其於
讀書也必使之辨其音釋正其章句玩其辭求其義研
精覃思以究其所難知平心易氣以聽其所自得然為
已務實辨別義利毋自欺謹其獨之戒未嘗不三致意
焉蓋亦欲學者窮理反身而持之以敬也從遊之士迭
誦所習以質其疑意有未諭則委曲告之而未嘗倦問
有未切則反覆戒之而未嘗隱務學篤則喜見於言進
道難則憂形於色講論經典商略古今率至夜半雖疾
病支離至諸生問辨則脫然沉疴之去體一日不講學
則惕然常以為憂晝夜而來遠自川蜀文詞之傳流及
海外至於夷虜亦知慕其道竊問其起居窮鄉晚出家

蓄其書私淑諸人者不可勝數先生既沒學者傳其書
信其道者蓋衆亦足以見理義之感於人者深矣繼往
聖將微之緒啓前賢未發之機辨諸儒之得失闢異端
之訛謬明天理正人心事業之大又孰有加於此者至
若天文地志律曆兵機亦皆洞究淵微文詞字畫騷人
才士疲精竭神常病其難至先生未嘗用意而亦皆動
中規繩可為世法是非實稟之異學行之篤安能事事
物物各當其理各造其極哉學修而道立德成而行尊
見之事業者又如此秦漢以來迂儒曲學既皆不足以
望其藩牆而近代諸儒有志乎孔孟周程之學者亦豈
能造其閫域哉嗚呼是殆天所以相斯文篤生哲人以

大斯道之傳也。先生疾且革，手為書囑其子在與門人
范念德、黃榦、尤拳、孝以勉學，及修正遺書為言。翌旦，門
人侍疾者請教。先生曰：「堅苦問溫公喪禮曰：『踈略問儀
禮，領之已而正坐，整衣冠就枕而逝。』門人治喪者既一
以儀禮從事而訃告所至，從遊之士與夫聞風慕義者
莫不相與為位而聚哭焉。禁錮雖嚴，有所不避也。嗚呼
天又胡不慙遺以求斯道之傳，而遽使後學失所依歸
哉！」先生所著書有易本義、詹家著卦考誤、詩集傳、大學
中庸章句、或問、論語孟子集註、大極圖通書、西銘解、楚
辭集註、辨證韓文考異。所編次有語孟集義、孟子指要
中庸集略、孝經刊誤、小學書通鑑綱目、本朝名臣言行

錄古今家祭禮近思錄河南程氏遺書伊洛淵源錄皆
付於世先生著述雖多於語孟中庸大學尤所加意若
大學論語則更定數四以至再後大學誠意一章乃其
絕筆也其明道垂教拳拳深切如此楚辭集註亦晚年
所作其愛君憂國雖老不忘通鑑綱目僅能成編每以
未及修補為恨又嘗編次禮書月工尤苦竟亦未能脫
藁所輯家禮世多用之然其後亦多損益未暇更定平
生為文則季子在類以之矣生徒問答則後學李道傳
嘗裒輯鈔版未備也娶劉氏追封碩人白水草堂先生
之女草堂即韋齋所囑以從學者也其卒以乾道丁酉
其葬以附穴子三人長塾先十年卒次楚迪功郎監湖

州德清縣戶部新市犒賞酒庫後十年亦卒李在承議
郎提舉兩浙西路常平茶鹽公事女五人婿儒林郎靜
江府臨桂縣令劉學古奏議郎主管亳州明道宮黃幹
進士范允裕仲季二人亦早卒孫男七人鑑鉅銓鐸銓
鉉鑄鉅從政郎新差監行在雜買務雜賣場門銓從事
郎融州司法太軍鑑迪功郎新辟差充廣西經略安撫
司準備差遣餘葉進士女九人婿承議郎主管華州雲
臺觀趙師夏進士葉謫甫周選亨鄭宗亮黃輅從政郎
紹興府會稽縣丞趙師鄭黃慶臣李公玉曾孫男六人
淵洽潛濟濬女七人先生沒有年矣狀其行者未有
所屬筆在以幹從學自父倅任其責先生既不假是而

著幹之識見淺陋言語卑弱不足模倣萬一追思平日步趨聲容則悲愴哽咽不忍書亦不忍忘也竊聞道之正統待人而後傳自周以來任傳道之責得統之正者不過數人而能使斯道章章較著者一二人而止耳由孔子而後曾子子思繼其微至孟子而始著由孟子而後周程張子繼其絕至先生而始著蓋千有餘年之間孔孟之徒所以推明是道者既煨燼殘闕離折穿鑿而微言幾絕矣周程張子崛起於斯文湮塞之餘人心蠹壞之後扶持植立厥功偉然未及百年踳駁尤甚先生出而自周以來聖賢相傳之道一旦豁然大明中天昭晰呈露則接其言行又可略歟輒採同志之議敬

述世系爵里出處言論與夫學問道德行業人之所共
知者而又私竊以道統之著者終之以俟知德者考焉
謹狀行狀之作非得已也懼先生之道不明而後世傳
者之訛也追思平日之聞見叅以叙述真謀之文定為
草藁以諭同志又覆詰難一言之善不敢不從然亦有
叅之鄙意而不敢盡從者不可以無辯也有謂言貴含
蓄不可太露文貴簡古不可太繁者夫工於為文者固
能使之隱而顯簡而明是非愚陋所能及也顧恐名曰
含蓄而未免於晦昧名曰簡古而未免於艱澁反不若
詳書其事之為明白也又有謂年月不必盡記辭受不
必盡書者先生之用舍去就實關世道之隆替後學之

楷式年月必記所以著世變辭受必書所以明世教狀
先生之行又豈可以常人比常體論哉又有謂告上之
語失之太直記人之過失之太訐者責難陳善事君之
大義人主能容於前而臣子反欲隱於後先生敢陳於
當世而學者反欲諱於將來乎人之有過或具之獄案
或見之章奏天下後世所共知而欲沒之可乎又有謂
奏疏之文紀述太繁申請之事細微必錄似非行狀之
體者古之得君行道有事實可紀則奏疏可以不述先
生進不得用於世其所可見者特其言論之間乃其規
模之素則言與行豈有異耶事雖細微處得其道則人
受其利一失其道則人受其害先生理明義精故雖細

故區處條畫無不當於人心者則鉅與細亦豈有異耶
其可辨者如此則其尤淺陋者不必辨也至於流俗之
論則又以為前輩不必深抑異學不必力排稱述之辭
似失之過者孔門諸賢至謂孔子賢於堯舜豈以抑堯
舜為嫌乎孟子闢楊墨而比之禽獸衛道豈可以不嚴
乎夫子嘗曰莫我知也夫又曰知德者鮮矣甚矣聖賢
之難知也知不足為先生損益然使聖賢之道不
明異端之說滋熾是則愚之所懼而不容於不辨也故
嘗太息而為之言曰是未易以口舌爭百年論定然後
知愚言之為可信遂書其語以俟後之君子縉謹書
北溪陳氏曰先生道巍而德尊我精而仁熟立言正

溫潤清巧的實徹人心洞天理達羣哲會百聖粹乎洙
泗伊洛之緒凡曩時有發端而未竟者今悉該且備凡
曩時有疑辨而未瑩者今益信且白宛網大義如指諸
掌掃千百年之謬誤為後學一定不易之準則辭約而
理盡旨明而味深而其心度澄朗瑩無渣滓工夫縝密
渾無隙漏尤可想見於辭氣間故孔孟周程之道至先
生而益明所謂主盟斯世獨惟先生一人而已
吳氏壽昌曰先生每觀一水一石一草一木稍清陰處
竟日日不瞬飲酒不過兩三行又移一處大醉則趺坐
高拱經史子集之餘雖紀錄雜說舉輒成誦微醺則吟
哦古文氣調清壯其所聞見則先生每愛誦屈原楚騷

孔明出師表淵明歸去來辭并杜子美數詩而已

果齋李氏曰先生天資英邁視世之所屑者不啻如草芥脩然獨與道俱卓然獨與道立固已迥出庶物之表及夫理明義精養深積盛克而為德行發而為事業人之視之但見其渾灝磅礴不可涯涘而莫知為之者又曰洙泗以還博文約禮兩極其至者先生一人而已又曰夫子之經得先生而正夫子之道得先生而明起斯文拉將陸覺來裔於無窮雖與天壤俱弊可也

鶴山魏氏曰帝王不作而洙泗之教興微孟子吾不知大道之與異端果孰為勝負也聖道既熄而關洛之學興微朱子亦不知聖傳之與俗學果孰為顯晦也韓子

陳北溪贊

德東純陽 為學真知
清白剛健 全体實

集攸之粹 金祥玉振
會聖之精 紹古作程

王曾喬贊

龍門餘韻 理一分殊

水壺的源 析義辟

潮吞百川 河漢荷珠

雷開萬戶 沛然教雨

挽詩 曾良建

皇天開太坐 六籍一

庚戌聖天坐 千年遺

同存聖仲奎 遠含

師友在延平 後復

謂孟子之功不在禹下子謂朱子之功不在孟子下

草廬吳氏贊曰義理玄微蠶絲牛毛心膏恢廓海濶天

高豪傑之才聖賢之學景星慶雲泰山喬嶽

先生自題畫像曰從容乎禮法之場沉潜乎仁義之府

是予蓋將有意焉而力莫能與也佩先師之格言奉前

烈之遺矩惟闇然而日修或庶幾乎斯語

薛文清公曰堯舜禹湯文武周公孔子新學思立周程張朱正學也不各失其即非正學也

又曰四書是皆朱子集解矣之言以義理之精衡至廣至大至精至密古今但知
格致熟讀潛心体認而力行之自有而由而後人於朱子之去之遠而不比倫而盡誠
或輒逞己見妄為褒貶或粉拾成說以街新奇多見其不知量也 出冬為通朝修編下

宋寧宗開禧二年丙寅宣讀海峽士致仕楊萬里辛萬里字廷秀清介絕依視金玉如土
常言人皆以錢為患不知可也者正在不錢不寒大時謂嚴親公、和以正信誠之學
遂以誠名荷又傳教公曰元符貴人福全行孝者何限惟謝志完陳堯中姓和與日月爭光萬里
得此語益勵清直之操立行時計料自京還家費貯以二歲戒家人不許市一物返里時援
後高寧配享封萬里為秘書丞舉進士觀其配食上斥以學不售也來去博學江東打劫常祀
一不餉折翅交鋒秋毫不入為錢悉切官年未七十退休南山之上老至一巨儒疾風雨長發
三中人徐異暉贈詩云清以內如收多惟弟有金蓋紀實也廣元初與宋文公同被凡文公出
萬里猶不起文公手書之更能不以用天知命之術而名與人同憂之憂母道於優於母未於適思
則區、者更有望於斯世也此高橋之志已不可達也其自贊云禹曰也有性氣迷諄舜者不中律
高諱自有二聖焉音不用千秋直年又去青白不形昭昭底味芳不出口中雖有一罪不致庚寅
明月生凡韓氏甯用事欲傾覆四方知名士萬里不從後世專擅至成疾歿向仇甯用之
事慟哭失聲此等故事曰韓仇甯好臣專擅云上動兵我民謀危社稷手頭顧如許指國
無派阻有以接平路焉此也 宋朝史臣

伊洛淵源續錄卷第三



111

